

蔡中郎文集序

漢蔡中郎傳邕博學辭章為靈紀十
裔及雜文凡百四篇傳於世傳所載
者釋誨幽冀刺史闕疏陳政要七事
金商門荅災異疏被收時表及世傳
獨斷女訓文選陳太丘等碑文初學
記短人賦總十數篇而已按唐書藝

蔡中郎集序
文志洎吳氏西齋書目竝云邕集十
五卷今之所傳纔十卷亡外計六十
四篇其中可疑者宗廟頌贊述武皇
平亂之功又有昊天眷祐我魏之句
蓋以宗廟指魏也又有魏武帝祀喬
太尉文稱丞相冀州牧魏主操謹遣
掾再拜祀姜伯淮碑稱建安二年卒

劉鎮南碑建安十三年薨太和二年
葬按邕本傳董卓被誅邕為王允所
害時年六十一據邕金商門荅災異
被收表云臣今年四十八靈帝光和
元季也董卓被誅獻帝初平三年也
光和元年戊子至初平三年壬申邕
正六十一矣又初年至四年改興平

二年改建安至五年正月薨操薨三月改建康十月禪子魏王丕即初平四年是為二十六年太和二年廼魏明帝之二季至是又八年計邕死已三十六年矣按初平已前操尚在誅卓之歲操始為東郡太守破黃巾於壽張至建安十三年操自為丞相二

十一年操自進為魏王亦有魏宗廟而操不得先稱魏王武帝及武皇也其姜伯淮鎮南薨葬相後年代差遠邕安得紀述耶是集也今既缺五卷矣見所傳者蓋後之好事者不本事迹編他人之文相混之耳非十五卷之本編固矣建安黃初之文體多相

蔡中郎集序
顯復不逮廣披衆集固不可知其誰
之作也偶閱而有得識于帙末天聖
紀號龍集癸亥余月哉生明後八日
海陵西齋平陽歐靜識之序

劔石道人王鏐書

蔡中郎集叙

中郎集十五卷今止傳十卷十卷中
又多疑譌難信者以是知逸亡益多
也中郎嘗歆續漢史記先成十志集
中蓋有進十志表云自遭橫禍十志
不傳世所傳獨斷者疑即十志本要
也然不可億定矣集舊無精本頃與

俞子汝成校理汝成又稍稍增定顧其籍散落既久無從蒐逸補亡耳獨斷舊附小說今列置卷尾以皆中郎之言宜彙成一家敘曰邕之文博綜羣籍究極三才自司馬遷以後世難其傳矣此宜以德業施於後世何至卒罹罪籍身名俱滅也嗟乎旣負才

美又保榮名二者豈易得兼哉余觀邕之著釋誨也足以自明其志矣至對詔金商又數以直言受禍是果甘心依附者邪顧不幸而類其跡君子有餘慨焉蓋惜夫以高才禍身潔白被汚若此也嗟乎董卓挾震主之威處羣疑之際志歆亟收時望以要結

人心耳豈復為邕計哉夫邕之舉于卓與荀彧之辟於操一也余獨悲邕之終不得為彧也豈所謂處死者難與人之責邕曰出當亂世不審時幾制于奸人不蚤決斷是矣是矣而槩以為黨餘禍首則非其情也自邕之不幸也君子恥談其志行余竊悼焉

故畧著其事實蓋曰中郎之平生有足采者乃其集則無不頌說歎慕者余故不備論焉

嘉靖二十七年春中月九日西京喬世寧景升甫叙

蔡中郎文集叙

明朝列大夫系議江藩東

陽王乾系撰

蔡中郎名邕陳留郡人也文集

美于卷舊刻于吳中夫中郎

情學善文為漢季稱最今雖

返厥例壤負童牧鴉靡不思

蘇中良文集 序
然後歌頌棗核之區制作不少
染兒俾文采無激寧非典籍之
缺然者與或曰文因人而傳中郎
乃文人之母乃在是以無傳
焉此又不然古人之所為安不可
以涉表測 識也波至際百六
之危丁陽大之窮皆昭屈志淪

汙然為挫挽而揚雄孰美於
新莽荀彧潛跡於曹瞞以定
安情好彗哉其意蓋有為也
中郎當博靈討以議即病歿
及董卓崛起屢激不能悔之
以我乃就旬日之間周歷三臺
羗均梟核中郎豈不知之否

直自也固將托為心膂石至膏
骨正冷批之流詞調之冷客以開
等之反復以規流之變雜社之
意慕靈矣光於洗燼迺其心也
彼昏不知卑羅燃臍之慘毫亦
駢首就戮哀哉家子雲以尊象
投閣文若以九錫誅夷中即以

一影隕節三字者皆心匪之傷
其心乎漢列一也不然毫管取
朱秩以貞孤得骨蒸字之苦談
楊秉之清位雅重強白之操坐
依泉以苟爾矣在敘別毫曠世
逸才學無不焚來生不死必的抽
坐透石室之藏品顯軒輊勒

成一代之興之子長孫堅身馳不
知孰為先後耳一司徒久慮其
訕傷寔寘之刑滅其履紀繼
手危於世吾未至陸為思中即
風波自弔至廬去墓飛烟冷
切增快鳴焉拉管中白中即又
集檄陳留令保子完校准以而難

之徐令雅尚古作與起形如力
任並役亦以為邑之鄉先拉也
我青已竟清朱斯文乃并請
首若失窮經取則孝感免祥
別誌系已備而後焦琴新柯笛
乃情洽細事皆可略也亦未著
其事卓之心示後之人亦為約

朝云翁

新都吳少策書于

武林客館

蔡邕傳

范曄撰

蔡邕字伯喈陳留圉人也六世祖勲好黃老平帝時
爲郿令王莽初授以厭戎連率勲對印綬仰天歎曰
吾策名漢室死歸其正昔曾子不受季孫之賜况可
事二姓哉遂攜將家屬逃入深山與鮑宣卓茂等同
不仕新室父穰亦有清白行謚曰貞定公邕性篤孝
母常滯病三年邕自非寒暑節變未嘗解襟帶不寢
寐者十旬母卒廬于塚側動靜以禮有兔馴擾其室
傍又木生連理遠近竒之多往觀焉與叔父從弟同

居三世不分財鄉黨高其義少博學師事太傅胡廣
好辭章數術天文妙操音律桓帝時中常侍徐璜左
官等五侯擅恣聞邕善鼓琴遂白天子勅陳留太守
督促發遣邕不得已行到偃師稱疾而歸閑居翫古
不交當世感東方朔客難及楊雄班固崔駰之徒設
疑以自通乃斟酌羣言是是而矯其非作釋誨以
戒厲云爾辭見集中建寧三年辟司徒橋玄府玄甚敬待
之出補河平長召拜郎中校書東觀遷議郎邕以經
籍去聖久遠文字多謬俗儒穿鑿疑誤後學熹平四

年乃與五官中郎將堂谿典光祿大夫楊賜議大
夫馬日磾議郎張馴韓說太史令單颺等奏求正定
六經文字靈帝許之邕乃自書冊於碑使工鐫刻立
於太學門外於是後儒晚學咸取正焉及碑始立其
觀視及摹寫者車乘日千餘兩填塞街陌初朝議以
州郡相黨人情比周乃制婚姻之家及兩州人士不
得對相監臨至是復有三互法禁忌轉密選用艱難
幽冀二州久缺不補邕上疏疏見集中書奏不省初帝好
學自造皇義篇五十章因引諸生能為文賦者本頗

以經學相招後諸爲尺牘及工書鳥篆者皆加引召
遂至數十人侍中祭酒樂松賈護多引無行趣勢之
徒並待制鴻都門下熹陳方俗閭里小事帝甚悅之
待以不次之位又市賈小民爲宣陵孝子者復數十
人悉除爲郎中太子舍人時頻有雷霆疾風傷樹拔
木地震隕雹蝗蟲之害又鮮卑犯境役賦及民六年
七月制書引咎詰羣臣各陳政要所當施行邕上封
事書見集中書奏帝乃親迎氣北郊及行辟雍之禮又詔
宣陵孝子爲舍人者悉改爲丞尉焉光和元年遂置

鴻都門學畫孔子及七十二弟子像其諸生皆勅州
郡三公舉用辟召或出爲刺史太守入爲尚書侍中
乃有封侯賜爵者士君子皆耻與爲列焉時妖異數
見人相驚擾其年七月詔召邕與光祿大夫楊賜諫
議大夫馬日磾議郎張華太史令單颺詣金商門引
入崇德殿使日常侍曹節王甫就問災異及消改變
故所宜施行邕悉心以對事在五行天文志又特詔
問曰比災變互生未知厥咎朝廷焦心載懷恐懼每
訪群公卿士庶聞忠言而各存括囊莫肯盡心以邕

經學深奧故密特稽問宜披露失得指陳政要勿有
依違自生疑諱具對經術以阜囊封上邕對見章集中

奏帝覽而歎息因起更衣曹節於後竊視之悉宣語

左右事遂漏露其爲邕所裁黜者皆側目思報初邕

與司徒劉邵素不相平叔父衛尉質又與將作大匠

楊球有隙球卽中常侍程璜女夫也璜遂使人飛章

言邕質數以私事請託於邵邵不聽邕含隱切志欲

相中於是詔下尚書召邕詰狀邕上書自陳書見於集中

是下邕質於洛陽獄劾以仇怨奉公議害大臣大不

敬棄市事奏中常侍呂強愍邕無罪請之帝亦更思

其章有詔減死一等與家屬髡徙朔方不得以赦

令除楊球使客追路刺邕客感其義皆莫爲用球又

賂其部主使加毒害所賂者反以其情戒邕故每得

免焉居五原安陽縣邕前在東觀與盧植韓說等撰

補後漢記會遭事流離不及得成因上書自陳奏其

所著十意分別首目連置章左帝嘉其才高會明年

大赦乃宥邕還本郡邕自徙及歸凡九月焉將就還

路五原太守王智餞之酒酣智起舞屬邕邕不爲報

智者中常侍王甫弟也素貴驕慙於賓客詬邕曰徒敢輕我邕拂衣而去智銜之密告邕怨於囚放謗訕朝廷內寵惡之邕慮卒不免乃亡命江海遠跡吳會往來依太山羊氏積十二年在吳吳人有燒桐以爨者邕聞火烈之聲知有良木因請而裁爲琴果有美音而其尾猶焦故時人名曰焦尾琴焉初邕在陳留也其鄰人有以酒食召邕者比往而主以酺焉客有彈琴於屏邕至門試潛聽之曰憇以樂召我而有殺心何也遂反將命者告主人曰蔡君向來至門而去

邕素爲邦鄉所宗主人遽自追而問其故邕具以告莫不憮然彈琴者曰我向鼓絃見螳螂方向鳴蟬蟬將去而未飛螳螂爲之一前一卻吾心聳然惟恐螳螂之失之也此豈爲殺心而形於聲者乎邕莞然而笑曰此足以當之矣中平六年靈帝崩董卓爲司空聞邕名高辟之稱疾不就卓大怒詈曰我力能族人蔡邕遂偃蹇者不旋踵矣又切勅州郡舉邕詣府邕不得已到署祭酒甚見敬重舉高第補侍御史又轉侍書御史遷尚書三日之間周歷三臺遷巴郡太守

復留爲侍中初平元年拜左中郎將從獻帝遷都長安封高陽鄉侯董卓賓客部曲議欲尊卓比太公稱尚父卓謀之於邕邕曰太公輔周受命翦商故特爲其號今明公威德誠爲巍巍然比之尚父愚意以爲未可宜須關東平定車駕還反舊邦然後議之卓從其言初平二年六月地震卓以問邕邕對曰地動者陰盛侵陽臣下踰制之所致也前春郊天公奉引車駕乘金華青蓋爪畫兩轡遠近以爲非宜卓於是改乘皂蓋車卓重邕才學厚相遇待每集讌輒令邕鼓

琴贊事邕亦每存匡益然卓多自用邕恨其言少邕謂從弟谷曰董卓性剛而遂非終難濟也吾欲東奔兗州若道遠難達且遯逃山東以待之何如谷曰君狀異恒人每行觀者盈集以此自匿不亦難乎邕乃止及卓被誅邕在司徒王允坐殊不意言之而歎有動於色允勃然叱之曰董卓國之大賊幾傾漢室君爲王臣所宜同忿而懷其私遇以忘大節今天誅有罪而反相傷痛豈不共爲逆哉卽收付廷尉治罪邕陳辭謝乞黥首刖足繼成漢史士大夫多矜救之

不能得太尉馬日磾馳往謂允曰伯喈曠世逸才多識漢事當續成後史爲一代大典且忠孝素著而所坐無名誅之無乃夫人望乎允曰昔武帝不殺司馬遷使作謗書流於後世方今國祚中衰神器不固不可令佞臣執筆在幼主左右旣無益聖德復使吾黨蒙其訕議日磾退而告人曰王公其不長世乎善人國之紀也制作國之典也滅紀廢典其能久乎邕遂死獄中允悔欲止而不及時年六十一摺紳詣儒幕不流涕北海鄭玄聞而歎曰漢世之事誰與正之充

州陳留聞皆畫像而頌焉其撰集漢事未見錄以繼後史適作靈紀及十意又補諸列傳四十二篇因李傕之亂湮沒多不存所著詩賦碑誄銘讚連珠箴等論議獨斷勸學釋誨叙樂大叙篆執祝文章表書記凡百四篇傳於世

論曰意氣之感士所不能忘也流極之運有生所共深悲也當伯喈抱一扭徙幽裔仰日月而不見照燭臨風塵而不得經過其意豈及語平日侍全人哉及解刑衣竄甌越潛舟江壑不知其遠捷步

蔡中郎集目錄
深林尚苦不密但願北首舊丘歸骸先壟又可得
乎董卓一日入朝辟書先下分明枉結信宿三遷
匡導既申狂僭屢革資同人之先號得北叟之後
福屬有慶者夫豈無懷君子斷刑尚或爲之不舉
况國憲倉卒慮不先圖矜情變容而罰同邪黨執
政乃追怨子長謗書流後放此爲戮未或聞之刑典
贊曰季長戚氏才通情侈苑囿典文流悅音伎邕
實慕靜心精辭綺斥言金商南徂北徙籍梁懷董
名澆身毀

蔡中郎集目錄

卷一

陳政要七事疏

上漢書十志疏

幽冀刺史久闕疏

荅詔問災異八事

上始加元服與羣臣上壽

卷二

難夏育上言鮮卑仍犯諸郡

爲陳留太守上孝子

薦皇甫規

薦太尉董卓

讓尚書乞在閒冗

讓高陽侯印綬符策

再讓高陽侯印綬符策

巴郡太守謝版

表賀錄換誤上章謝罪

宗廟迭毀議

宗廟祝嘏辭

九祝辭

答齋議

和熹鄧后謚議

東巡頌

被收時表

卷三

明堂月令論

月令問答

釋誨

止交論

薦邊文禮

祖德頌

朱公叔謚議

九疑山銘

樽銘

警枕銘

卷四

述行賦

短人賦

漢津賦

協和婚賦

筆賦

琴賦

彈琴賦

一本作頌

彈碁賦

胡栗賦

篆勢

隸勢

飲馬長城窟行

答元式詩

翠鳥詩

卷五

光武濟陽宮碑

陳太丘碑

陳太丘廟碑銘

文範先生陳仲弓銘

郭有道林宗碑

太尉橋公廟碑

太尉橋公碑頌

東鼎銘

中鼎銘

西鼎銘

卷六

黃鉞銘

漢太尉楊公碑

文烈侯楊公碑

司空文烈侯楊公碑

太傅文恭侯胡公碑

太傅胡公碑

胡公碑銘

胡太傅祠前銘

胡廣黃瓊頌

司空楊公碑

司空臨晉侯楊公碑

卷七

太尉汝南李公碑

劉鎮南碑

朱公叔墳前石碑

朱公叔鼎銘

陳留太守胡公碑

太守胡公碑銘

琅琊王傅蔡公碑

汝南周巨勝碑

彭城姜伯淮碑

貞節先生范史雲銘

卷八

王子喬碑

玄文先生李子材銘

處士囷叔則銘

陳留索昏庫上里社銘

京兆樊惠渠頌

京兆尹樊德雲銘

焦君贊

漢交趾都尉胡夫人黃氏神誥

太傅安樂侯胡公夫人靈表

司徒袁公夫人馬氏碑銘

濟北相崔君夫人誄

議郎胡公夫人哀讚

郡掾史張玄祠堂碑銘

袁滿來碑銘

蔡中郎集
童幼胡根碑銘

蔡中郎集卷第一

漢 陳留蔡邕著

明新安汪士賢校

陳政要七事疏

臣伏讀聖旨雖周成遇風訊諸執事宣王遭旱密勿
祇畏無以或加臣聞天降災異緣象而至辟歷數發
殆刑誅繁多之所生也風者天之號令所以教人也
夫昭事上帝則自懷多福宗廟致敬則鬼神以著國
之大事實先祀典天子聖躬所當恭事臣自在宰府

及備朱衣迎氣五郊而車駕稀出四時致敬屢委有
司雖有解除猶爲踈廢故皇天不悅顯此諸異洪範
傳曰政悖德隱厥風發屋折木坤爲地道易稱安貞
陰氣憤盛則當靜反動法爲下叛夫權不在上則電
傷物政有苛暴則虎狼食人貪利傷民則蝗蟲損稼
去六月二十八日太白與月相迫兵事惡之鮮卑犯
塞所從來遠今之出師未見其利上違天文下逆人
事誠當博覽衆議從其安者臣不勝憤懣音謹條宜
所施行七事表左

一事明堂月令天子以四立及季夏之節迎五帝於
郊所以導致神氣祈福豐年清廟祭祀追往孝敬養
老辟靡示人禮化皆帝者之大業祖宗所祇奉也而
有司數以蕃國踈喪宮內產生及吏卒小汙屢生忌
故竊見南郊齊戒未嘗有廢至於他祀輒興異議豈
南郊卑而他祀尊哉孝元皇帝策書曰禮之至敬莫
重於祭所以竭心親奉以致肅祇者也又元和故事
復申先典前後制書推心懇惻而近者以來更任太
史志禮敬之大任禁忌之書拘信小故以虧大典禮

祭中其集 卷一
妻妾產者齊則不入側室之門無廢祭之文也所謂
宮中有卒三月不祭者謂士庶人數堵之室共處其
中耳豈謂皇居之曠臣妾之衆哉自今齊制宜如故
典庶咎風霆災妖之異

二事臣聞國之將興至言數聞內知已政外見民情
是故先帝雖有聖明之資而猶廣求得失又因災異
援引幽隱重賢良方正敦朴有道之選危言極諫不
絕於朝陛下親政以來頻年災異而未聞特舉博選
之旨誠當思省述修舊事使抱忠之臣展其狂直以

解易傳政悖德隱之言

三事夫求賢之道未必一途或以德顯或以言揚頃
者立朝之士曾不以忠信見賞恒被謗訕之誅遂使
羣下結口莫圖正辭郎中張文前獨盡狂言聖聽納
受以責三司臣子憤然衆庶解悅臣愚以爲宜擢文
右職以勸忠謇宣聲海內博開政路

四事夫司隸校尉諸州刺史所以督察姦枉分別白
黑者也伏見幽州刺史楊熹益州刺史龐芝涼州刺
史劉虔各有奉公疾姦之心熹等所糾其劾尤多餘

皆枉撓不能稱職或有抱罪懷瑕與下同疾網網弛
縱莫相舉察公府臺閣亦復默然五年制書議遣八
使又令三公謚言奏事是時奉公者欣然得志邪枉
者憂悸音計心動也失色未詳斯議所因寢息昔劉向奏
曰夫執狐疑之計者開群枉之門養不斷之慮者來
讒邪之口今始聞善政旋復變易足令海內測度朝
政宜追定八使糾舉非法更選忠清平章賞罰三公
歲盡差其殿最使吏知奉公之福營私之禍則衆災
之原庶可塞矣

五事臣聞古者取士必使諸侯歲貢孝武之世郡舉
孝廉又有賢良文學之選於是名臣輩出文武並興
漢之得人數路而已夫書畫辭賦才之小者匡國理
政未有其能陛下卽位之初先涉經術聽政餘日觀
省篇章聊以游意當代博奕非以爲教化取士之本
而諸生競利作者鼎沸其高者頗引經訓風喻之言
下則連偶俗語有類俳優或竊成文虛冒名氏臣每
受詔於盛化門差次錄第其未及者亦復隨輩皆見
拜擢旣加之恩難復收改但守奉祿於義已弘不可

復使理人及在州郡昔孝宣會諸儒於石渠章帝集
學士於白虎通經釋義其事優大文武之道所宜從
之若乃小能小善雖有可觀孔子以爲致遠則泥君
子固當志其大者

六事墨綬長吏職典理人皆當以惠利爲績日月爲
勞褒責之科所宜分明而今在任無復能省及其還
者多召拜議郎郎中若器用優美不宜處之冗散如
有釁故自當極其刑誅豈有伏罪懼考友求遷轉更
相倣效臧否無章先帝舊典未嘗有此可皆斷絕以

覈真僞

七事伏見前一切以宣陵孝子爲太子舍人臣聞孝
文皇帝制喪服三十六日雖繼體之君父子至親公
卿列臣受恩之重皆屈情從制不敢踰越今虛僞小
人本非骨肉旣無幸私之恩又無祿仕之實惻隱思
慕情何緣生而羣聚山陵假名稱孝行不掩心義無
所依至有姦軌之人通容其中桓思皇后祖載之時
東郡有盜人妻者亡在孝中本縣追捕乃伏其辜虛
僞雜穢難以勝言又前至得拜後輩被遺或經年陵

次以暫歸見漏或以人自代亦蒙寵榮爭訟怨恨洵
洵道路太子官屬宜搜選令德豈有但取丘墓凶醜
之人其爲不祥莫與大焉宜遣歸田里以明詐僞

上漢書十志疏

朔方髡鉗徙臣邕稽首再拜上書皇帝陛下臣邕被
受陛下寵異大恩初由宰府備數典城以親父故依
叔父衛尉質時以尚書召拜中郎受詔詣東觀著作
遂與羣儒並拜議郎沐浴恩澤承答聖問前後六年
質奉機密趨走陛下遂由端右出相外藩還尹輦轂

旬日之中登躡上列父子一門兼受恩寵不能輸寫
心力以効絲髮之功一旦被章陷沒辜戮陛下天地
之德不忍刀鋸截首領得就平罪父子家屬徙充邊
方完全軀命喘息相隨非臣無狀所敢復望非臣罪
惡所當復蒙非臣辭筆所能復陳臣初決罪洛陽詔
獄生出牢戶顧念元初中故尚書郎張俊坐漏泄事
當服重刑已出轂門復聽續鞠詔書馳救一等輸作
左校俊上書謝恩遂以轉徙邕爲郡縣促遣迫於吏
手不得頃息含辭抱悲無由上達旣到徙所乘塞守

蔡中郎集卷一
烽職在候望憂怖焦灼無心復能操筆成草致章闕
庭誠知聖朝不責臣謝但懷愚心有所不竟臣自在
布衣常以爲漢書十志下盡王莽而止世祖以來唯
有紀傳無續志者臣所師事故太傅胡廣知臣頗識
其門戶畧以所有舊事與臣雖未備悉粗見首尾積
累思惟二十餘年不在其位非外吏庶人所得擅述
天誘其衷得備著作郎建言十志皆當撰錄遂與議
郎張華等分受之其難者皆以付臣先治律曆以籌
算爲本天文爲驗請太師田注考校連年往往頗有

差舛富有增損乃可施行爲無窮法道至深微不可
獨議郎中劉洪密於用算故臣表上洪與共參思圖
牒尋繹度數適有頭緒會臣被罪逐放邊野臣竊自
痛一爲不善使史籍所闕胡廣所校二十年之思中
道廢絕不得究竟悽悽之情猶以結心不能自達臣
初欲須刑竟乃因縣道具以狀聞今年七月九日匈
奴攻鹽池縣其時鮮卑連犯雲中五原一月之中烽
火不絕不意西夷相與合謀所圖廣遠恐遂爲變不
知所濟郡縣咸悄悄不知所守且臣所在孤危懸命

鋒鏑湮滅土灰呼吸無期誠恐所懷隨軀腐朽抱恨
黃泉遂不設施輒先顛踣科條諸志臣欲刪定者一
所當接續者四前志所無臣欲著者五及經典郡書
所宜摭摭本奏詔書所當依據分別首目并書章左
臣初考逮妻子迸竄亡失文書無所按請加以惶怖
愁恐思念荒散十分不得識一所識者又恐謬誤觸
冒死罪披摺愚情願下東觀推求諸奏叅以璽書補
綴遺闕昭明國體章聞之後雖肝腦流離白骨剖破
無所復恨惟陛下留神省察謹因臨戎長霍圍封上

臣頓首死罪稽首再拜以聞

幽冀刺史久闕疏

臣聞國家置官以職建名臣愚淺小才竊假階級官
以議爲名職以郎爲貴智淺謀漏無所獻替夙夜寤
嘆憂悖怛惕臣邕頓首死罪伏見幽州奕騎冀州強
弩爲天下精兵國家贍仗四方有事軍師奮攻未嘗
不辦於二州也頃者以來連年饑荒穀價一斛至六
七百錢故護烏桓校尉夏育出征鮮卑無功而還士
馬死傷者萬數弓兵散亡幾盡生民之本守禦之備

無一可恃百姓元元流離溝壑寇賊輩起莫能禁討
長吏寒心朝不守夕卒有他方之急則役之不可驅
使自爲寇虜則誅之不可擒制豈非可憂之難三府
選幽冀二州刺史踰月不定臣恠問其故云避三五
十一州有禁當取二州而已二州之中少素有威名
之士或拘限歲年不應選用狐疑遲淹兩州空懸萬
里蕭條無所管繫每冀州長吏初除詔書治嚴不過
五日今者刺史數旬不選誠非其理愚以爲三五之
禁禁之薄者以陛下威靈申明禁令在任之人豈不

戒懼而當坐設三五自生留闕

音愛礙同邪昔孝景時梁

人韓安國坐事被刑起徒中爲內史武帝患東越數
反拜故待詔會稽朱買臣宣帝時患冀州有盜賊故
京兆尹張敞有罪逃命上使使就家召爲冀州刺史
安國徒隸買臣郡民皆還治其國張敞亡命擢授劇
州豈顧三五拘官簿得救時之便也卒獲其用遺芳
不滅此先帝不誤已然之事三公明知二州之要尤
宜揀選當越禁取能以救時弊而不顧爭臣之義苟
避輕微之科竊見日月拘忌選既稽滯又未必審得

其人則二部蠢蠢將爲憂念願陛下上則先帝用三
臣之法獨除近禁其諸州刺史器用可換者無拘日
月三五以差厥中臣慄慄瞽言惟陛下留神再省三
省

荅詔問災異八事

光和元年七月十日詔書尺一召光祿大夫楊賜諫
議大夫馬日磾議郎張華蔡邕太史令單颺詣金商
門引入崇德殿署門內南辟帷中爲都座漏未盡三
刻中常侍育陽侯曹節冠軍侯王甫從東省出就都

座東面十門劉寵龐訓北面賜南面日磾華邕颺西
面受詔書各一通尺一木板草書兩常侍又諭旨朝
廷以災異憂懼特旨密問政事所變改施行務令分
明賜等稱臣再拜受詔書起就坐五人各一處給財
用筆硯爲對臣學識淺薄心慮愚暗不足以荅聖問
情衷變易怔營怖悸謹列狀上臣邕頓首頓首

詔問曰去月二十九日有黑氣墮溫德殿東庭中黑
如車蓋降氣奮勢五色有體長十餘丈形狀似龍似
虹蜺對虹著於天而降施於庭以臣所聞則所謂天

投虹者也不見尾足者不得勝龍易曰蜺之比無德以色親也潛潭巴曰虹出后妃陰脅主又曰五色蜺出至昭于宮殿有兵革之事演孔圖曰蜺者斗之精氣也天度投蜺見主惑於毀譽合讖圖曰天子外苦兵威內奮臣無忠政變不虛生古不虛言意者陛下關機之內衽席之上獨有以色見進陵尊踰制以招衆變若羣臣有所毀譽聖意低回未知誰是兵戎不息威權浸移忠言不聞則虹蜺所生也抑內寵任忠賢決毀譽使貞雅各得其所嚴守衛整威權機不假

人則其所救也易傳曰陽感天不旋日書曰惟辟作威惟辟作福臣或爲之謂之凶害是以明主尤務焉詔問曰正月三日有白衣入行殿門辭稱伯夏教我上殿與中黃門桓賢晤言相往來不得入遂亡去不知姓名臣聞凡人爲帷皆皇極道失下或謀上故其傳曰皇之不極是謂不建則有下謀上之病孝成綏和二年八月男子王褒衣小冠帶劍入北司馬殿東門上殿入室解帷組佩之招前殿署王業等曰天帝命我居此業收縛考問褒故公車卒病狂不自知

入宮乃下獄死是時王莽爲司馬遂爲篡亂亦卒誅
臣竊思之與綏和時相似而有異被服旣不同來入
雲龍門而稱伯夏教入殿裏與桓賢言伯夏卽故大
將軍梁商商子冀冀子不疑等皆以罪受戮殘餘非
天所祐以往況今將狂狡之人爲王氏之禍未至殿
省而覺亡不久伏誅夫誠仰見上帝之厚德也潛渾
巴曰有人走入宮不知其名大水爲戒天子驚群陰
太隆群下並奏強盛也建太中之道舉賢良而寵祿
之則其救也經曰皇建其有極欽時五福用敷錫厥

庶民惟時厥庶民于汝極錫汝保極

詔問曰南宮侍中等聞雌雞欲化爲雄尾身毛已似
雄頭尚未變臣聞凡雞爲性皆貌之失也傳曰貌之
不恭是謂不肅時卽有雞禍孝宣黃龍元年未央宮
輅軫中雌雞化爲雄不鳴無距是時元帝初卽位將
立妃王氏爲后至初元元年丞相史家雌雞化爲雄
距而鳴是歲封后父禁爲平陽侯而后正位王氏之
寵始盛哀帝晏駕后攝政王莽以后兄子爲大司馬
由是爲亂昔武王伐紂曰牝雞之晨惟家之索易傳

曰婦人專政國不靜牝雞雄鳴王不榮夫牝雞但雄
鳴尚有索家不榮之名况乃陰陽易體名實變改此
誠大異臣竊以意推之頭爲元首人君之象今雞身
已變未至於頭而聖主知之訪問其故是將有其事
而不遂成之象也若應之不精誠無所及頭冠或成
卽爲患災敬慎威儀動作之容斷娶御改興政之原
則其救也夫以匹夫顏氏之子有過未嘗不知知之
未嘗復行易曰不遠復無祗悔元吉

詔問曰卽祚以來災青屢見頻歲月蝕地動風水不
時疾癘流行迅風折樹河洛盛溢臣聞陽勝則震陰
勝則食思亂則風貌失則雨視闇則疾癘流行水不
潤下則河流滿溢明君正上下抑陰尊陽修五事於
聖躬致畿甸於供御則其救也

詔問星辰錯謬臣竊見災惑變色入太微西門太白
正畫而見臣聞災惑示變主當精明其德而有休慶
之色太白當晝而見是陰陽爭明強國弱國強皆
有失政又失道而見是爲羸長侯王不榮災惑主禮
太白血兵謹禮事治兵政審察中外之言申明守禦

之令以杜漸防萌則其救也昔宋景公小國諸侯三
德言而熒惑爲之退舍

詔問蝗蟲冬出臣聞易傳曰大作不時天降災厥咎
蝗蟲來河圖秘徵篇曰帝貪則政暴吏酷則誅深而
蝗蟲出息不急之作省役賦之費進清仁黜貪虐介
損求安屈省別藏以贍國用則其救也易曰得臣無
家言有天下者何私家之有

詔問平城門及武庫屋各損壞臣愚以爲平城門向
陽之門郊祀法駕所從出門之正者也武庫禁兵所
藏國家之本兵也變此二處異於凡屋易傳曰小人
在位上下咸悖其妖城門內崩潛潭巴曰出宮瓦
墮諸侯強凌主易傳曰一柱泥故法棄其咎宮室傾
圯小人在顯位者黜之以尊上整下去暴悖之愆抑
諸侯強凌主之漸率由舊章以變柱泥棄法之咎則
其救也洪範傳曰六沴作見若時共禦帝用不羞神
則不怒五福乃降用彰於下

詔問曰朝廷焦心聞災恐懼每訪羣公卿士皆各括
囊迷國莫肯建忠規闕以邕博學深奧退食在公故

特密問宜披演所懷指陳政要所先後勿有依違顧
忌以經術分別皂囊封上勿漏所聞臣邕伏惟陛下
聖德允明深悼變異德音懇誠褒臣博學深奧退食
在公非臣螻蟻愚怯所能堪副亦臣輸寫肝膽出命
之秋豈可顧患避害復使陛下不聞至戒哉臣邕頓
首死罪伏思諸異各應皆亡國之恠也天於大漢殷
勤不已赤帝之精輔或未衰故屢出妖變以當責讓
因以感覺則危可爲安凶可作吉假使大運已移豈
有譴告哉春秋魯定哀公之時周德已絕故數十年

無有日蝕此人爲天所棄故也至於今者災眚之發
不於他所遠則門垣近在罽毳寺紛降目前欲使陛下
豁然大悟可謂至切矣幸陛下深問臣敢不盡情以
對蜺墮雞化皆婦人干政之所致也卽祚以來官中
無地逸竄而乳母趙嬈貴重赫赫生則貲富俟於帑
藏死則丘墓踰越園陵兩子受封兄弟典郡續以永
樂門史霍王依阻城社大爲奸禍盜竊權藏晦惑
之罪事必積浸然後成形虹蜺集庭雌雞變化豈不
謂是今者道路紛紛復云有程夫人者察其風聲將

爲國患宜高其隄防明其禁濼深惟趙霍以爲至戒
論者疑太尉張顥爲王所進暗昧已成非外臣所能
審處如誠有之近者不治無以正遠傾邪在官當有
所懲光祿勳偉璋所在尤貪濁九列之中豈宜有此
牧守數十選代旣不盡由本朝反有異輩無以示四
方聖意勤勤欲清流蕩濁扶正黜邪不得但以州郡
無課而已長水校尉趙玨屯騎校尉蓋升其貴已足
其富已優當以見災之故爲陛下先群臣引退以
易傳所載小人在位之咎伏見廷尉郭禧敦重純厚

國之老成光祿大夫橋玄聰達方直有山甫之姿故

太尉劉寵忠實守固

惘音細志純一也

惘音劈至剛正並宜

爲謀主數見訪問夫宰相大臣君之四體委任責成
優劣已分春秋之義以貴治賤遠間親小加大引在
六逆陛階增則堂高輔位重則上尊不宜聽納小吏
雕琢大臣也又尚方工技之作洪都篇賦之文宜且
消息以示憂懼詩云畏天之怒不敢戲豫天戒誠不
可戲也宰府孝廉士之高選但當察其真僞以加黜
陟近者每以辟召不慎切責三公乃並以書疏小文

一介之技超取選舉開請託之門達明王之典衆心
不厭莫之敢言臣願陛下聽納忠言忍而絕之側身
踴躍思惟萬幾以答天望以導嘉應聖朝旣自約厲
以身率人左右近臣亦宜戮力從化人自抑損天道
虧滿鬼神福謙久高不危常滿不溢羣公之福諸侯
凌主之戒不可不察也臣邕愚戇感激忘身敢觸忌
諱手書具對夫君臣不密上有漏言之戒下有失身
之禍臣安敢漏所問願寢臣表無使盡忠之吏受怨
姦仇

上始加元服與羣臣上壽

伏惟陛下應天淑靈丁期中興誕在幼齡聖姿碩義
威儀孔備俯仰龍光顏如日星言稽典謨動蹈規矩
緝熙光明思齊周成早智夙就叅美顯宗令月吉日
始加元服進御幘結以章天休臣妾萬國遐邇大小
同喜逸豫式歌且舞臣等不勝踴躍鳧藻謹奉生頭
酒九鐘稽首再拜上千萬壽陛下享茲吉福永守皇
極通遵大和靖綏六合宜民宜人受祿于天書曰一
人有慶兆民賴之其寧惟未詩曰顛顛昂昂如珪如

璋今聞不忘萬壽無疆

蔡中郎集卷第二

漢 陳留蔡邕著

明新安汪士賢校

難夏育上言鮮卑仍犯諸郡

嘉平六年夏護烏桓校尉育上言鮮卑仍犯諸郡自

春以來三十餘發請徵幽州諸郡兵出塞擊之一冬

春足以掃滅時故護羌校尉田晏以他論刑被原私

留京師用尚書行賄通謀中常侍王甫求爲將甫建

議當出師與育并力詔書遂用爲破鮮卑中郎將使

匈奴中郎將南單于以下與育晏三道並出時朝廷大臣多以為不便召公卿百官會議中郎蔡邕以為書戒猾夏易伐鬼方周宣王命南仲吉甫攘獫狁威蠻荆漢有衛霍闡顏瀚海竇憲燕然之事征討之作所由尚矣然而時有同異勢有可否故謀有得失事有成敗不可齊也自漢興以來匈奴常為邊害而未聞鮮卑之事昔謀臣竭精武夫戮力而所見常異其設不戰之計守禦之因者皆社稷之臣永久之策也孝武皇帝因文景之畜用度饒衍南伐越北伐胡西

征大宛東并朝鮮兵出數十年帑藏空竭官民俱匱乃興鹽鐵酷權之利設告緡重稅之令民不堪命及盜賊羣起關東紛然道路不通繡衣直指之使奮鉞鉞而並出然後僅得寧息既而覺悟乃封丞相為富民侯故主父偃曰夫務戰勝窮武事未有不悔者也夫世宗神武將卒良猛財賦充實所拓廣遠而猶有悔况無彼時地利人財之備而欲輕動此其不可一也鮮卑種衆新盛自匈奴北遁以來據其故地稱兵十萬彌地千里意智益生才力勁健加以禁網漏洩

善金良鐵出者莫察漢人逋逃爲其謀主兵利馬疾過於匈奴昔段穎良將習兵善戰經營西羌猶十餘年今育晏欲以三年之期專勝必克育晏策慮未能過穎鮮卑種衆又不弱於西羌也乃欲張設近期誘戲朝廷三年不成必迫於害禍結兵連不得中休轉運糧饟不可勝給天無豐歲官見殫財民人流移於四方不能還其骸骨以此時興議橫發一發不已必至再三諸夏之內弱者伏尸强者作寇邊郵之患手足之疥癩也中國之困胷背之癩疽也其不可二也

育云自春以來三十餘發方今郡縣盜賊劫掠人財攻犯官民日月有之冠帶之圻吏調政密猶不能絕况此醜虜羣類抵冒心不受仁膽不畏威而可使斷無盜竊昔者高祖乃忍平城之耻吕后甘棄嫚書之詭於是何者爲甚是其不可三也天設山河秦築長城漢起塞垣所以別內外異殊俗也其外則介之夷狄其內則任之良吏後嗣遵業慎奉所遺苟無蹙國內侮之患豈與虫豸之虜校往來之數哉乃欲越幕踰域度塞出攻得地不可耕農得民不可冠帶破之

不可殄盡而本朝必爲之旰食四海必爲之焦枯其
不可四也夫煎盡府帑之蓄以恣輕事之人專勝者
必未克挾疑者必未敗衆所謂危聖人不任朝議有
嫌明主不行是其不可五也按育一戰所獲不如所
失昔淮南王安諫伐越曰天子之兵有征無戰言其
莫敢校也使越人蒙死徼幸以逆執事廝輿之卒有
一不備而歸者雖得越王之首猶爲大漢之羞威化
不行則欲伐之狐疑避難則守爲長宜通乎時變且
憂萬人饑餓與蠻夷之不討何者爲大宗廟之祭凶

年不備况避不遜之辱哉今關東大困無以相贍又
議動兵非但勞人凶年隨之其罷救有不可勝言者
此先帝所以發德音也夫卹民救患雖成郡列縣尚
猶棄之况以軫塞之外未嘗爲人居者乎臣愚以爲
宜止征伐之計令諸營甲士循行塞垣屯守衝要以
堅牢不動爲務若乃守邊之術李牧開其原嚴尤申
其要遺業猶在文章具存循二子之策守先帝之規
臣曰可矣 臣愚竊議不足采臣鬻頓首頓首

爲陳留太守上孝子

臣前到官博問掾史孝行卓異者臣門下掾申屠夔稱孝子平丘程未年十四歲時祖父叔病歿未抱伏叔尸號泣悲哀口乾氣少喘息纔屬舅偃哀其羸劣嚼棗肉以哺之未見食噓唏不能吞咽麥飯寒水間用之舅偃誘勸哽咽益甚是後精美異味遂不過口常在樞旁耳聞叔名目應以淚前太守文穆召署孝義童云以叔未葬不能至府舍臣輒核問掾史邑子殷盛宿彥等辭驗皆合臣卽召來見未年十四歲顏色瘦小應對甚詳臣問樂爲吏否垂泣求去白歸喪

所臣爲設食但用麥飯寒水不食肥膩舅本以田作爲事家無典學者其至行發於自然非耳目聞見所倣效也雖成人之年知禮識義之士恐不能及伏唯陛下體因心之德當中興之運躬秉萬幾建用皇極神紀騁於無方淑暢洽於羣生故醇行感時而生美義因政以出清風奮揚休徵誕漫太平之萌昭驗已著臣誠伏見孝甚臣聞魯侯能孝命於夷官張仲孝友侯在左右周宣之興實始于此且烏以反哺託體太陽羔以跪乳爲贄國卿禽鳥之微猶以孝寵况未

稟純粹之精爽立百行之根源其人隱瘁而德曜彌
光其族益章臣不勝願會使未美昭顯本朝謹陳狀
臣邕頓首

薦皇甫規

臣聞唐虞以師師成熙周文以濟濟爲寧區區之楚
猶用賢臣爲寶衛多君子季札知其不危由此言之
忠臣賢士國家之元龜社稷之楨固也昔孝文愷匈
奴之生事思李牧於前代孝宣忿奸邪之不散舉張
敞於亡命况在於當時謙虛爲罪而可遺棄臣伏見

護羗校尉皇甫規少明經術道爲儒宗修身力行忠
亮闡著出處抱義皦然不污藏器林藪之中以辭徵
召之寵先帝嘉之群公歸德盜發東岳莫能櫻討卽
起家拜爲太山太守屠斬桀黠綏撫煢弱青兗之郊
迄用康乂自是以來方外有事戎狄猾華進簡前勲
連見委任伏節舉麾威靈盛行演化凶悍使爲慈愿
愛財省穡每有餘資養士御衆悅以亡死論其武勞
則漢室之千城課其文德則皇家之腹心誠宜試用
以廣振鷺西薜之美臣以頑愚忝汚顯列輒流汗墨

不堪之責不勝區區執心所見越職贄言罪當死唯
陛下留神省察臣豈頓首頓首

薦太尉董卓

臣某等聞周有流彘之亂而宣王以興漢有昌邑之
難而中宗以昭由此觀之天生神聖特以靖亂整殘
丕誕洪業輔佐重臣國之楹棟生應期運稟氣山岳
是故申伯山甫列于大雅蕭曹內魏載于史籍國遭
奸臣孽妄制弄土權累葉相繼六十餘載火熾流沸
浸以不振威移羣下福在弄臣海內嗷嗷被其傷毒

故大將軍慎侯可進盡忠出身圖議盪滌以清季朝
羣凶遘難兵起亂作元舅上卿先寇受害禍至執辱
社稷傾危太尉邵侯卓起自東土封畿之外義勇憤
發旋赴京師先陳便宜列表奸猾羣慝情狀辭意激
切感物悟靈精兵虎臣承持卓勢奪擊醜類漏刻之
間靡有子遺卓聞乘輿已趨河津身率輕騎長驅印
阜上解國家播越之危下救兆民塗炭之禍然後黜
廢頑凶爰立聖哲天心聿得萬國賴祉及至差功行
賞辭多受少近臣幸臣一人之封戶至萬數今者受

爵十有一人總合戶數千不當一封今月七日卓又
上書辭疾讓位乞就國土上違聖主嘉寵之至下乖
群生瞻仰之望非所以褒功賞勲也惟陛下益隆委
任數加訪問厚其爵賞責以相業之成臣等不勝大
願謹陳狀臣邕等頓首頓首死罪死罪

讓尚書乞在閒冗

臣謹按漢書高祖受命流離藏竄十有二年陛下應
期中興龍飛踐祚奸臣嬖孽一時殄盡憎疾臣者隨
流埋沒太尉郤侯卓收拾洗濯上臣高第補侍御史

轉治書御史陛下天地之大德聽納大臣扶節文舉
遂用臣邕充備機密三月之中充歷三臺光榮顯著
非臣愚蔽不才所當盜竊非臣碎首糜軀所能補報
臣邕頓首頓首死罪死罪臣聞世宗之時田千秋有
神明感動一言以悟聖聽昭發上心故有一日九遷
臣邕草萊小臣思謀愚淺生非千秋職不狎練加以
新來入朝不更郎署攝省文書其猶面牆陛下統繼
大業委政冢宰大傅隗以舊典入錄機密事尚書令
日禪先輩舊齒德更上公僕射允故司隸校尉河南

尹尚書張熹已歷九列曾旭侍中牧守宣藩剖符數
郡唯臣官位微賤特單輕匹此六臣臣當自知况於
論者將謂臣何是以夙夜寤歎寐息屏營無顏以居
無心以寧明時階級人所勸慕乞在他署抱關執籥
以守漏刻則臣之心厭飫足矣降榮於悴退顯於進
臣不勝區區疑戒不敢肅飾

讓高陽侯印綬符策

詔制左中郎將蔡邕今封邕陳留雍丘高陽鄉侯下
印綬符策假限食五百戶歲五十萬穀臣稽首受詔

怔營喜懼精魄播超恍惚如夢不敢自信臣伏惟糠
粃小生學術虛淺少竊方正長歷宰府備數典城著
作東觀無狀取罪捐棄朔野蒙恩徙還退伏畎畝復
階朝謁進察憲臺遂充機密令守巴郡還備侍中車
駕西還執鞭跨馬及看輪轂升輿下軫扶接聖躬旣
至舊京出備郎將中外所疑對越省闈羣臣之中特
見褒異訖無雞犬鳴吠之用常以汗墨愧負恩寵誠
不意猥與公卿以下錄功受賞命服金紫爵至通
侯非臣草萊功勞微薄所當被蒙臣十四世祖肥如

侯佐命高祖以受爵賞統嗣曠絕除在匹庶臣子遺
苗裔復蒙顯封前功輕重不侔慙惶累息無心怡寧
唐虞之朝猶美三讓臣者何人受而不讓臣不勝戰
悼怵惕詣闕拜章上所假高陽侯印綬符策伏受罪
誅臣得微勞被受爵邑光寵榮華耀熠音祖禰非臣
小族陋宗器量褊狹所能堪勝非臣力用勤勞有所
當受誠無安寧甘悅之情國憲上行下不敢逆苟順
恩旨退省金龜紫紱之飾非臣容體所當服佩中讀
符策誥戒之詔非臣才量所能祇奉歷日彌久震懼

益甚臣聞高祖受命元功勳德者與共天下爵土故
曰使黃河若帶太山若礪國以永存爰及苗裔夫山
河至大猶謂之小重功輕賞如此其至也是以戰攻
之事大有陷堅破敵斬將搃旗之功小有音國馘音國獻音國

馘截首級履傷涉血之難勤苦軍旅連年累歲首如

蓬葆體如漆幹勞瘁辛苦如此其重也以受爵土誰
曰不宜今者聖朝遷都應順天人奔走之役臣僕職
分宜然臣事輕葭莩功薄蟬翼恐史官錄書臣等在
功臣之列陷恩澤之科垂名後葉作戒末嗣非本朝

之德政遇臣之長策臣是以宵寢晨興叩膺增歎心
煩慮亂喘呼息吸且鷦鷯巢林不過一枝鼯鼠飲河
不過滿腹小人之情求足而已臣不勝大願

再讓高陽侯印綬符策

臣忝自然省資非哲人藩屏之用器非殿邦佐君之

才憂心灼烜

音喧
上聲

耳目昏冒忪

音中
驚也

蒙蔽罔累息屏

氣臣聞稷契之儔以德受命功德靡堪讓所不如昔
之范正不亡禮讓其下化之春秋采焉臣雖小醜不
足勗勵以躡高蹤以詩人斯亡之戒觀見符策君國

之誨兩印雙紱並在鞶帶至德元功器量弘大猶且
踧踏無心寧止况臣螻蟻無功德而散怠茸闡何以
居之且晏嬰辭邾殿之邑張良辭三萬之戶書籍紀
之以爲異美夫人君無弄戲之言憲法有誣罔之効
臣不敢違矣飭虛以距上旨疑確音學之誠與神明通
謹奉章詣闕頓首敢固以請息伏惟留省

巴郡太守謝版

臣尚書邕免冠頓首死罪臣猥以頑闇連值盛時超
自羣吏入登機密未及輸力盡心日下五府舉臣任

巴郡太守陛下不復參論府舉入奏驚惶失守非臣
敢安怔營累息不知所措臣邕頓首死罪知納言任
重非臣所得久忝今月丁丑一章自聞乞在閒冗抱
關執籥不意錄符銀青授任千里求退得進後上先
遷爲衆所恠不合事宜願乞還詔命盡力他役死而
後已臣猥以愚闇盜竊明時周旋三臺充列機衡出
入省闈登踏丹墀承隨同位與在行列以受酒禮嘉
幣之賜詔書前後賜石鏡奩禮經素字尚書章句白
虎議奏合成二百一十二卷及唾壺彈棋石枰蓮香

瓠子黎錫汁器圍盧誠物誠念及下錫惠周至每敕
勿謝前後重疊雖父母之於子孫無以加此未得因
緣有事荅稱萬一不意卒遷荷受非任臨時自陳未
蒙省許慘結屏營踧踖受拜命服銀青光寵休顯上
耀祖先下榮昆裔誠非所望且巴士長遠江山修隔
頃來未悉輯睦劉焉撫寧有方柔遠功著臣以頑蒙
不閑職政宣暢聖化道遵和風非臣才力所能供給
必以忝辱煩污聖朝幸循舊職當竭肝膽從事助絕
骨破以命繼之臣邕頓首死罪

表賀錄換誤上章謝罪

今月十八日臣以相國兵討逆賊故河內太守王臣等屯陳破壞斬獲首級詣朝堂上賀臣邕奉賀錄故羽林郎將李叅遷城門校尉而署名羽林左監右衛尉社衍在朝堂而稱不在錄咎在臣不詳省按使叅以亡爲存衍以存爲亡錯奏謬錄不可行侍御史劾臣不敬當賜刑書懲戒不恪陛下天地之德不辱收戮丙辰詔書以一月俸贖罪臣邕怔營慙怖屏氣累息不知所自投處臣邕頓首死罪臣不惟石慶數馬之誤簡忽校讎不謹之愆雖見原宥仰愧先臣傷肌入骨不勝忪蒙流汗臣邕頓首死罪

宗廟迭毀議

左中郎將臣邕議以爲漢承亡秦滅學之後宗廟之制不用周禮每帝卽位輒立一廟不止於七不列昭穆不定迭毀孝元皇帝皆以功德茂盛尊崇廟稱孝文曰太宗孝武曰世宗孝宣曰中宗時忠正大臣夏侯勝猶執議欲出世宗至孝成帝議猶不定太僕王舜中壘校尉劉歆據經傳義謂不可毀上從其議古

人考據慎重不敢私其君父若此其至也後遭王莽之亂光武皇帝受命中興廟稱世祖孝明皇帝聖德聰明政參文宣廟稱顯宗孝章皇帝至孝烝烝仁恩溥大海內賴社廟稱肅宗北方前事得禮之宜自此以下政事多釁權移臣下嗣帝殷勤各欲褒崇至親而已臣下懦弱莫能執夏侯之直故遂衍溢無有方限今聖朝遵古復禮以求厥中誠合事宜禮傳封儀自依家法今不知國家舊有宗儀聖主賢臣所共創定欲就六廟黜損所宗違先帝舊章未可施行臣謹

按禮制七廟三昭三穆與太祖七孝元皇帝在世第八光武皇帝世在第九故以元帝爲考廟尊而奉之孝明遵制亦不敢毀元帝於今朝九世以七廟言之則非所宗八月報酬可出元帝主比惠景昭成哀平帝五年一致祭孝章皇帝孝桓皇帝親在三昭孝和皇帝孝順皇帝孝靈皇帝親在三穆廟親未盡四時常陳孝明以下穆宗敬宗恭宗之號皆宜省去以遵先典殊異祖宗不可參並之義今又總就一堂崇約尚省不復改作惟主及几筵應改而已正數世之所

闕爲無窮之常典稽禮制之舊則合神明之歡心臣
愚驚議不足採臣邕頓首頓首

宗廟祝嘏辭

嗣曾孫皇帝其敢昭告于皇祖高皇帝各以后配昔
受命京師都于長安享國十有一世歷年二百一十
載遭王莽之亂宗廟隳壞世祖復帝祚遷都洛陽以
服土中享國一十一世歷年一百六十五載予末小
子遭家不造早統洪業奉嗣無疆關東吏民敢行稱
亂總連州縣擁兵聚衆以圖叛逆震驚王師命將征

服股肱大臣推皇天之命以已行之事遷都舊京昔
周德缺而斯干作應運變通自古有之於是乃以三
月丁亥來自雒越三月丁巳至于長安飭躬不慎寢
疾旬日賴祖宗之靈以獲有瘳吉日齊宿敢用潔牲
一元大武柔毛剛鬣商祭明視薌音香合嘉蔬香其醎
齏音差豐本明粢醴酒用告遷來尚饗

九祝辭

高皇帝使工祝承致多福無疆于爾嗣曾孫皇帝使
爾受祿于天宜此舊都萬國和同兆民康乂眉壽萬

年子子孫孫永守民庶勿替引之

荅齋議

日月詔召尚書問立春當齋迎氣東郊尚書左丞馮方毆殺指揮使於尚書西祠可齋否得無不宜具對議郎臣蔡邕博士任敏死罪對按禮上帝之祠無所爲廢齋者所以致齊不敢渙散其意官室至大指使至微不在齋潔之處元和詔禮無免齋宜以自潔靜交神明本無嫌間祠室又寬可齋無疑詩云唯此文王小心翼翼昭事上帝聿懷多福夫齊以恭奉明祀文王所以懷福無有不宜臣邕敏愚戇死罪

和熹鄧后謚議

孝和鄧皇后崩群臣謀謚於是尚書陳忠上言以爲鄉黨叙孔子威儀俯仰無所遺彤管記君王纖微大小無不舉是以德著圖籍名垂於後伏唯大行皇后規乾則坤兼包日月厥初作合允有休烈貫魚之次加於小媵中饋之叙昭於帷幄遭家不造三元之厄孝殤幼冲國祚中絕海內紛然羣臣累息加以洪流爲災扎荒爲害西戎蠢動武威侵侮并涼猾夏作寇

振驚渤碣家有採薇之思人懷殿明希音之聲皇太后
參圖考表求人之瘼度越平原建立聖主垂疇咨之
問遵六事之求勞謙克躬菲薄爲務是以尚官損服
衣不粲英饗人徹羞膳不過擇黃門闕樂魚龍不作
織室絕伎纂組不經尚方抑巧雕鏤不爲離宮罕幸
儲峙不施遐方斷能侏離不貢罷出宮妾免遣宗室
没入者六百餘人以紆鬱滯奉率舊禮交饗祖廟以
展孝子承歡之敬蠲正憲法六千餘事以順漢氏三
百之期經藝乖舛恐史闕文命衆儒考校東觀閣學

博士一缺廣選十人何有伐檀茅茹不拔屢舉方直
顯擢孝子遵忠孝之紀啓大臣喪親之哀疾貪吏受
取爲姦糾增舊科之罰惡長吏虛僞錮之十年追崇
世祖功臣國土或有斷絕封植遺苗以奉其祀爵高
蘭諸國胤子以紹三王之後事不稽古不以爲政政
不惠和不圖於策猶不自專傳謀遠暨乞求厥中刑
之所加不阿近戚賞之所及不遺側陋終朝反側明
發不寢徒以百姓爲憂不以天下爲樂聖誠著於禁
闈而德教被於萬國故自昏墊迄于康乂叛虜蜂集

賊害邊陲永元之世以爲遺誅今畏服威靈稽顙卽
斃徼外絕國慕義重譯來獻其琛史官咸賀請作主
頌却而不聽郡國咸上瑞應寔而不宣允恭抑損密
勿在勤遭疾不豫垂念臣子御輦在殿顧命群司流
恩布澤大赦天下有始有卒同符先聖昔書契所載
虞帝二妃夏后塗山高陽有辛姬氏任母徒以正身
率內思媚周京爲高未有如大行皇后勤精勞思篤
繼國之祚正三元之衡康百六之會消無妄之運者
也功德巍巍誠不可及漢世后氏無謚至於明帝始

建光烈之稱是後轉因帝號加以謚高下優劣混
而爲一違禮大行受大名小行受小名之制謚法有
功安居曰熹帝后謚禮亦宜同大行皇太后宜謚爲
和熹皇后上稽典訓之正下協先帝之稱

東巡頌

竊見巡狩岱宗柴望山川宗祀明堂上稽帝堯中述
世宗遵奉光武禮儀備具動自聖心是以神明屢應
休徵乃降不勝狂簡之情謹上岱宗頌一篇曰若稽
古在漢廸哲聿修厥德憲章丕烈音道六龍較五輅

齊百僚陶質素命南重以司曆厥中月之六辰備天官之列衛盛輿服而東巡

被收時表

議郎糞土臣邕頓首再拜上書皇帝陛下今月十三日臣被尚書召問臣以大鴻臚劉邵前爲濟陰太守臣屬吏張宛長休百日邵爲司隸又託河內郡吏李奇爲州書佐及營護故河南尹羊陟侍御史胡母班邵不爲用致怨之狀臣怔營怖悸肝膽塗地不知死命所在竊自尋按實屬宛奇不及陟班凡休假小吏

皆非結恨之本與陟姻家豈敢申助私黨如臣父子欲相傷陷當明言臺閣具陳恨狀所緣內無寸事而謗書外發宜以臣對與邵參驗臣得以學問特蒙褒異執事秘館操管御前姓名貌狀微簡聖心今年七月召詣金商門問以變異齊詔申旨誘臣使言臣實愚戇出命忘軀不顧後患譏切公卿內及寵近區區欲荅上問救恠異爲陛下圖康寧之計而已預知所言者當必怨臣陛下不念忠臣直言宜加掩蔽誹謗卒至便用疑恠豈不負盡忠之吏哉每有災異輒令

百官各上封事欲以改政息譴除凶致吉而言者不
蒙延納之福旋被陷破之禍群臣杜口以臣爲戒誰
敢復爲陛下盡忠者乎臣季父質連見拔擢位在上
列臣被蒙恩渥數見訪問言事者因此欲陷臣父子
破臣門戶非復發糾姦伏補益國家者也臣年四十
有六孤特一身前無立身得盡節王室託名忠臣死
有餘榮然恐陛下不復聞至言矣臣愚以凡冗招致
禍患自臣職耳臣對問時質爲下邳相不聞臣謀今
日橫見逮及使質恨以衰老白首隨臣摧沒并內坑
陷以快言事厭副其心誠寃誠痛陛下仁篤之心必
不忍此愚之未至耳臣一入牢檻當爲筆楚所迫趣
斂章辭情何緣復達臣死期垂至冒昧自陳乞身當
辜戮免質并坐臣死之日則生之年也唯陛下加矜
爲百姓自愛臣邕死罪

蔡中郎集卷第三

漢 陳留蔡邕著

明新安汪士賢校

明堂月令論

明堂者天子太廟所以崇禮其祖以配上帝者也夏
后氏曰世室殷人曰重屋周人曰明堂東曰青陽南
曰明堂西曰總章北曰玄堂中央曰太室易曰離也
者明也南方之卦也聖人南面而聽天下嚮明而治
人君之位莫正於此焉故雖有五名而主以明堂也

其正中皆曰大廟謹承天順時之令昭令德宗祀之禮明前功百辟之勞起養老敬長之義顯教幼誨穉之學朝諸侯選造士於其中以明制度生者乘其能而至死者論其功而祭故爲大教之官而四學具焉官司備焉譬如北辰居其所而衆星拱之萬象翼之政教之所由生變化之所由來明一統也故言明堂事之大義之深也取其宗祀之貌則曰清廟取其正室之貌則曰太廟取其尊崇則曰太室取其向明則曰明堂取其四門之學則曰太學取其四面周水圓

如璧則曰辟廱異名而同事其實一也春秋因魯取宋之奸賂則顯之太廟以明聖王建清廟明堂之義經曰取郤大鼎于宋戊申納于太廟傳曰非禮也君人者將昭德塞違故昭令德以示子孫是以清廟茅屋昭其儉也夫德儉而有度升降有數文物以紀之聲明以發之以臨照百官百官於是乎戒懼而不敢易紀律所以明大教也以周清廟論之魯太廟皆明堂也魯禘祀周公於太廟明堂猶周宗祀文王於清廟明堂也禮記檀弓曰王齊禘於清廟明堂也孝經

曰宗祀文王於明堂禮記明堂位曰太廟天子曰明堂又曰成王幼弱周公踐天子位以治天下朝諸侯於明堂制禮作樂頒度量而天下大服成王以周公有大勲勞於天下命魯公世世禘祀周公於太廟以天子之禮升歌清廟下管象舞所以異魯於天下也取周清廟之歌歌於魯太廟明魯之太廟猶周之清廟也皆所以昭文王周公之德以示子孫也易傳太初篇曰天子旦入東學晝入南學暮入西學太學在中央天子之所自學也禮記保傳篇曰帝入東學上

親而貴仁入西學上賢而貴德入南學上齒而貴信入北學上貴而尊爵入太學承師而問道與易傳同魏文侯孝經傳曰太學者中學明堂之位也禮記古大明堂之禮曰膳夫是相禮日中出南闈見九侯及問于相日側出西闈視五國之事日入出北闈視帝節猷爾雅曰官中之門謂之闈王居明堂之禮又別陰陽門東南稱門西北稱闈故周官有門闈之學師氏教以三德守王門保氏教以六藝守王闈然則師氏居東門南門保氏居西門北門也知掌教國子與

易傳保傳王居明堂之禮參相發明爲學四焉文王
世子篇曰凡大合樂則遂養老天子至乃命有司行
事興秩節祭先師先聖焉始之養也造東序釋奠於
先老遂設三老五更之席位言教學始之於養老由
東方歲始也又春夏學于戊秋冬學羽籥皆習於東
序凡祭與養老乞言合語之禮皆小樂正詔之於冬
序又曰大司成論說在東序然則詔學皆在東序東
序東之堂也學者聚焉故稱詔大學仲夏之月令祀
百辟卿士之有德於民者禮記太學志曰禮士大夫

學于聖人善人祭于明堂其無位者祭于太學禮記
昭穆篇曰祀先賢于西學所以教諸侯之德也卽所
以顯行國禮之處也太學明堂之東序也皆在明堂
辟廱之內月令記曰明堂者所以明天氣統萬物明
堂上通於天象日辰故下十二官象日辰也水環四
周言王者動作法天地德廣及四海方此水也禮記
盛德篇曰明堂九室以茅蓋屋上圓下方此水名曰
辟廱王制曰天子出征執有罪及釋奠於學以訊馘
告樂記曰武王伐殷薦俘馘于京大室詩魯頌云矯

矯虎臣在泮獻馘京鎬京也太室辟廡之中明堂太室也與諸侯泮宮俱獻馘焉卽王制所謂以訊馘告者也禮記曰祀乎明堂所以教諸侯之孝也孝經曰孝悌之至通於神明光於四海無所不通詩云自西自東自南自北無思不服言行孝者則曰明堂行悌者則曰太學故孝經合以爲一義而稱鎬京之詩以明之凡此皆明堂太室辟廡太學事通文合之義也其制度數各有所法堂方百四十四尺坤之策也屋圜屋徑二百一十六尺匏之策也太廟明堂方三十

六丈通天屋徑九丈陰陽九六之變也圜蓋方載六九之道也八闥以象八卦九室以象九州十二宮以應辰三十六戶七十二牖以四戶九牖乘九室之數也戶皆外設而不閉示天下不藏也通夫屋高八十一尺黃鍾九九之實也二十八柱列於四方亦七宿之象也堂高三丈以應三統四鄉五色者象其行外廣二十四丈應一歲二十四氣四周以水象四海王者之大禮也月令篇名曰因天時制人事天子發號施令祀神受職每月異禮故謂之月令所以順陰陽

奉四時効氣物行王政也成法具備各從時月藏之
明堂所以示承祖考神明明不敢泄瀆之義故以明
堂冠月令自天地定位有其象聖帝明君世有紹襲
蓋以裁成大業非一代之事也易正月之卦曰泰其
經曰王用享于帝吉孟春令曰乃擇元日祈穀于上
帝顓頊曆衡曰天元正月己巳朔日立春日月俱起
於泰逮宮室制度月令孟春之月日在營室堯典曰
乃命羲和欽若昊天曆象日月星辰敬授人時令曰
乃命太史守典奉法司夫日月星辰之行易曰不利

爲寇利用禦寇令曰兵戎不起不可從我始書曰歲
二月同律度量衡中春令曰日夜分則同度量鈞衡
石凡此皆合於大曆唐政其類不可盡稱戴禮夏小
正傳曰陰陽生物之後王事之次則夏之月令也殷
人無文及周而備文義所說傳衍深遠宜周公之所
著也官號職司與周官合周書七十二篇而月令第
五十三古者諸侯朝止于天子受月令以歸而藏諸
廟中天子藏之於明堂每月告朔廟出而行之周室
既衰諸侯怠於禮魯文公廢告朔而朝仲尼譏之經

曰閏月不告朔猶朝于廟刺舍大禮而徇小儀也自是告朔遂闕而徒用其羊子貢非廢其令而請去之仲尼曰賜也爾愛其羊我愛其禮庶明王復興君人者昭而明之稽而用之耳無逆聽令無逆政所以臻乎大順陰陽和年穀豐太平洽符瑞由此而至矣秦相呂不韋著書取月令爲紀號淮南王安亦以取爲第四篇改名曰時則故偏見之徒或云月令呂不韋作或云淮南皆非也

月令問答

問者曰子何爲著月令說也予幼讀記以爲月令體大經同不宜與記書雜錄並行而記家記之又畧及前儒特爲章句者皆用其意傳非其本旨又不知月令徵驗布在諸經周官左傳實與禮記通他議橫生紛紛久矣光和元年余被謗章罹重罪徙朔方內有獫狁敵衝之釁外有寇虜鋒鏑之艱危險凜凜死亡無日過被學者聞家就而考之亦自有所覺悟庶幾頗得事情而訖未有注記著於文字也懼顛蹶隕墜無以示後同于朽腐竊誠思之書有陰陽升降天文

曆數事物制度可假以爲本敦辭托說審求曆象其
要者莫大於月令故遂於憂怖之中晝夜密勿昧死
成之旁貫五註叅互羣書至及國家律令制度遂定
曆數盡天地三光之情辭繁多而蔓衍非所謂理約
而達也道長日短危殆兢惕取其心盡而已故不能
復加刪省蓋所以探賾辨物庶幾多識前言往行之
流苟便學者以爲可覽則余死而不朽也

問者曰子說月令多類周官左傳假無周官左傳月
令爲無說乎曰夫根柢植則枝葉必相從也月令與
周官並爲時王政令之記異文而同體官名百職皆
周官解月令甲子沈子所謂似春秋也若夫太昊蓐
收勾芒祝融之屬左傳造義立說生名者同是以用
之

問者曰旣用古文於曆數乃不用三統用四分何也
曰月令所用叅諸曆象非一家之事傳之於世不曉
學者宜以當時所施行夫密近者三統已踈濶廢弛
故不用也

問者曰旣不用三統以驚蟄爲孟春春中雨水爲二

月節皆三統法也獨用之何曰孟春月令曰蟄蟲始震在正月也中春始雨水則雨水二月也以其合故用之

問者曰曆云小暑季夏節也而今文見於五月何也曰今不以曆節言據時始暑而記也曆於大雪小雪大寒小寒皆去十五日然則小暑當去大暑十五日不得及四十五日不以節言據時暑也

問者曰中春令不用犧牲以圭璧更皮幣不犧牲何也曰是月獻羔以太牢祀高禘宗廟之祭以中月安

得用犧牲祈者求之祭也著令者豫設水旱疫癘當禱祈用犧牲者是用之助生養傳祈以幣代牲章因於高禘之事乃造說曰更者刻木代牲如廟有祧更此說自欺極矣經典傳記無刻木代牲之說蓋書有轉誤三豕渡河之類也

問者曰中冬令曰奄尹申宮令謹門閭今日門闈何也曰闈尹者內官也主宮室出入宮中宮中之門曰闈闈尹之職也閭里門非闈尹所主知當作闈也問者曰今日七騶咸駕今日六騶何也曰本官職者

莫正於周官周官天子馬六種種別有騶故知六騶
左氏傳晉程鄭爲乘馬御六騶屬焉無言七者知當
爲六也

問者曰令以中秋築城郭於經傳爲非其時詩曰定
之方中作於楚宮定營室也九月十月之交西南方
中故傳曰小昏正而裁築卽營室也昏正者昏中也
裁築者栽木而始築也今文在前 月不合於經傳
也

問者曰子說三難皆以日行爲本古論周官禮記說
以爲但逐惡而已獨安所取之曰取之於月令而已
四時通等而夏無難文由日行也春行少陰秋行少
陽冬行太陰陰陽皆使不於其類故冬春難以助陽
秋難以達陰至夏節太陽行太陰自得其類無所扶
助獨不難取之於是也

問者曰及令每行一時轉三旬以應行三月政也春
行夏令則雨水不時謂孟夏也草木蚤枯中夏也國
乃有恐季夏也今總合爲一事不分別施之於三月
何也曰說者見其三旬不得傳注而爲之說有所滯

礙不得通矣孟秋反令行冬令則草木枯後乃大水
敗其城郭卽分爲三事後乃大水在誰後也城郭爲
獨自壞非水所爲也季冬令曰行春令則胎夭多傷
民多蠱疾命之曰逆卽分爲三事行李冬令爲不感
災異但命之曰逆也知不得斷絕分應一月也其類
皆如此令之所述畧舉其尤者也

問春食麥羊夏食菽雞秋食麻犬冬食黍豕之屬但
以爲時味之宜不合於五行月令服食器械之制皆
順五行者也說所食獨不以五行不已畧乎曰蓋亦

思之矣凡十二辰之禽五時所食者必家人所畜丑
牛未羊戌犬酉雞亥豕而已其餘龍虎以下非食也
春木王木勝土土王四季四季之禽牛屬季夏犬屬
季秋故未羊可以爲春食也夏火王火勝金故酉雞
可以爲夏食也季夏土王土勝水當食豕而食牛土
五行之尊者牛五畜之大者四行之牲無足以配土
德者故以牛爲季夏食也秋金王金勝木寅虎非可
食者犬豕而無角虎屬也故以犬爲秋食也冬水王
水勝火當食馬而禮不以馬爲牲故以其類而食豕

也然則麥爲木菽爲金麻爲火黍爲水各配其牲爲食也雖有此說而米鹽精粹不合於易卦所爲之禽及洪範傳五事之畜近似卜筮之術故予畧之不以爲章句聊以應問見有說而已

問記曰三老五更子獨曰五更周禮曰八十一御妻今日御妻何也曰字誤也更長老之稱其字與更相似書者轉誤遂以爲更嫂字女旁瘦字從叟今皆以爲更矣立字法者不以形聲何一以爲字以嫂瘦推之知是更爲叟也妻者齊也惟一適人稱妻其餘皆

妾位最在下是以不得言妻云也

釋誨

閒居說古不交當世感東方客難及楊雄班固崔駰之徒設疑以自通乃斟酌羣言音偉是也其是而矯其

非作釋誨以戒厲云爾有務世公子誨於華顛胡老曰蓋聞聖人之大寶曰位故以仁守位以財聚人然

則有位斯貴有財斯富行義達道士之司也故伊摯有負鼎之銜音眩仲尼設執鞭之言甯子有清商之歌

百里有豢牛之事夫如是則聖哲之通趣古人之明

志也夫子生清穆之世稟醇和之靈覃思典籍韞積
六經安貧樂賤與世無營沉精重淵抗志高冥包括
無外綜析無形其已久矣曾不能拔萃出群揚芳飛
文登天庭序彞倫掃六合之穢慝清宇宙之埃塵連
光芒於白日屬炎氣於景雲時逝歲暮默而無聞小
子惑焉是以有云方今聖上寬明輔弼賢知崇英逸
偉不墜於地德弘者建宰相而裂土才羨者荷榮祿
而蒙賜蓋亦回塗要至俛仰。其當世之利定不
拔之功榮家宗於此時遺不滅之。蹤夫獨未之思

邪何爲守彼而不通此胡老傲然而笑曰若公子所
謂覩曖昧之利而忘昭哲之害專必成之功而忽蹉
跌之敗者已公子謾爾歛袂而興曰胡爲其然也胡
老曰居吾將釋汝昔日太極君臣始基有羲皇之洪
寧唐虞之至時三代之隆亦有緝熙五伯扶微勤而
撫之于斯已降天綱縱人絃弛王塗壞太極隨君臣
土崩上下瓦解於是智者騁詐辯者馳說夫奮畧戩
士講銳電駭風馳霧散雲披變詐乖詭以合時宜或
畫一策而縮萬金或談崇朝而錫瑞珪連衡者六印

磊落合縱者駢組陸離隆貴翕習積富無涯據巧蹈
機以忘其危夫華離帝而萎條去榦而枯女冶容而
淫士背道而辜人毀其蒲神疾其邪利端始萌害漸
亦芽速速方轂夭夭是加欲豐其屋乃葺其家是故
天地否閉聖哲潛形石門守晨沮溺耦耕顏歎音出怒氣
也抱璞遽瑗保生齊人歸樂孔子斯征壅渠驂乘逝
而遺輕夫豈傲主而背國乎道不可以傾也且我聞
之日南至則黃鍾應融風動而魚上冰蕤賓統則微
陰萌蕤葭蒼蒼而白露凝寒暑相推陰陽代興運極則

化理亂相承今大漢紹陶唐之洪烈湯四海之殘災

隆隱天之高折組地之基皇道惟融帝猷顯不泯音池

泯庶類含甘吮滋檢六合之羣品躋之乎雍熙羣僚

恭已於職司聖主垂拱乎兩楹君臣穆穆守之以平

濟濟多士端委縉緹音傳絲緹綬也鴻漸盈階振鷺克庭譬

猶鍾山之玉泗濱之石累珪璧不爲之盈採浮磬不

爲之索曩者洪源闢而四隩集武功定而干戈戢獵

音顯北狄也狃音允攘而吉甫宴城濮捷而晉凱入故當其

有事也則篋笠並載擐甲揚鋒不給於務當其無事

也則舒紳緩佩鳴玉以步綽有餘裕夫世臣闕子警
音御之族天隆其枯主豐其祿抱膺從容爵位自從
攝須理髯餘官委貴其進取也順傾轉圜不足以喻
其便逡巡放屣不足以况其易夫夫有逸羣之才人
人有優贍之智童子不問疑於老成瞳矇不稽謀於
先生心恬澹於守高意無爲於持盈燦乎煌煌莫非
華榮明哲泊焉不失所寧狂淫振蕩乃亂其情貪夫
徇財誇者死權瞻仰此事體躁心煩闇謙盈之効迷
損益之數騁駑駘於修路慕騏驥而增驅卑俯乎外

戚之門乞助乎近貴之譽榮顯未副從而顛踣下獲
熏胥之辜高受滅家之誅前車已覆襲軌而驚曾不
鑒禍以知畏懼予誰悼哉害其若是天高地厚跼而
踣之怨豈在明患生不思戰戰兢兢必慎厥尤且用
之則行聖訓也舍之則藏至順也九河盈溢非一由
音塊所防帶甲百萬非一勇所抗今子責匹夫以清宇
宙庸可以水旱而累堯湯乎懼煙炎之燬音燬音尖
也何光芒之敢揚哉且夫地將震而樞星直井無景
則日陰食元首寬則望舒朏侯王肅則月側匿是以

君子推微達著尋端見緒履霜知冰踐露知暑時行則行時止則止消息盈冲取諸天紀利用遭泰可與處否樂天知命持神任已羣車方奔乎險路安能與之齊軌思危難而自豫故在賤而不耻方將騁馳乎典籍之崇塗休息乎仁義之淵藪盤旋乎周孔之庭宇揖儒墨而與爲友舒之足以光四表收之則莫能知其所有若乃丁千載之運應神靈之符闔閭闔乘天衢擁華蓋奉皇樞納玄策於聖德宣太平於中區計合謀從已之圖也勲績不立予之辜也龜鳳山翳

霧露不除踴躍草萊祗見其愚不我知者將謂之迂修業思真棄此焉如靜以俟命不斲不渝百歲之後歸乎其居幸其獲稱天所誘也罕漫而已非已咎也昔伯翳綜聲於鳥語葛盧辨音於鳴牛董父受氏於豢龍奚仲供德於衡軸倕氏興政於巧工造父登御於驂騮非子享土於善圍衆暉音甚深取右於禽囚弓父畢精於筋角次音飛明勇於赴流壽王創基於格五東方要幸於談優上官効力於執蓋弘羊據相於運籌僕不能參跡於若人故抱璞而優游於是公

子俛首降階忸怩而避胡老乃揚衡含笑援琴而歌
歌曰練予心兮浸太清滌穢濁兮存正靈和液暢兮
神氣寧情志泊兮心亭亭嗜欲息兮無由生蹕音宇
宙而遺俗兮眇翩翩而獨征

正交論

聞之前訓曰君子以朋友講習而正人無有淫朋是
以古之交者其義敦以正其誓信以固逮夫周德始
衰頌聲旣寢伐木有鳥鳴之刺谷風有棄予之怨自
此以降彌以凌遲或闕其始終或疆其比周是以縉

紳患其然而論者諄諄如也疾淺薄而懷携貳者有
之惡朋黨而絕交游者有之其論交也曰富貴則人
爭趨之貧賤則人爭去之是以君子慎人所以交已
審已所以交人富貴則無暴集之客貧賤則無棄舊
之賓矣原其所以來則知其所以去見其所以始則
觀其所以終彼貞士者貧賤不待夫富貴富貴不驕
乎貧賤故可貴也蓋朋友之道有義則合無義則離
善則久要不忘平生之言惡則忠告善誨之否則止
無自辱焉故君子不爲可棄之行不患人之遺已也

信有可歸之德不病人之遠已也不幸或然則躬自厚而薄責於人怨其遠矣求諸已而不求諸人咎其稀矣夫遠怨稀咎之機咸在乎躬莫之致也子夏之門人問交於子張而二子各有聞乎夫子然則以交誨也商也寬故告之以拒人師也褊故訓之以容衆各從其行而矯之至於仲尼之正教則泛愛衆而親仁故非善不喜非仁不親交游以方會友以文可無貶也穀梁赤曰心志旣通名譽不聞友之罪也今將患其流而塞其源病其末而刈其本無乃未若擇其

正而黜其邪與與其彼農皆黍而獨稷焉夫黍亦神農之嘉穀與稷並爲粢盛也使交可廢則黍其愆矣括二論而言之則刺薄者博而洽斷交者貞而孤匕有羔羊之節與其不獲已而矯時也走將從夫孤焉

薦邊文禮

明將軍以申甫之德當中興之隆建上將之任膺秉國之權妖寇作孽震驚京師運籌帷幄定策屈勝先擒馬元歸近之變天兵致誅兗豫以清冀荆用次雲消席卷克厭衆心王室以寧萬國兆民莫不賴祉伏

惟幕府初開博選清英華髮舊德並為元龜成功立
事莫不畢舉雖振鷺之集西廡濟濟之在周庭無以
或加伏見陳留邊讓字文禮天授逸才聰明資知纂
成伐柯不遠之則齧音迢齒音櫛俱夙孤不隊家訓始
任學問便就大業閒不遊戲初覽諸經見本知義尋
端極緒受者不能答其問章句不能遂其意詩書易
禮先通大義業以次舉衆傳篇章無術不綜心通性
達剖織入冥口辯辭長而節之以禮度安詳審固守
持內定非禮勿動非法不言據狐疑之論定嫌審之

分經典交至檢括並合衆夫嘉焉莫之能奪使讓生
於先代在唐虞則元凱之比當仲尼則顏冉之亞豈
徒世俗之凡偶兼混是非講論而已哉才藝言行卓
逸不羣階級名位亦宜超然不以常制為限長幼為
拘若復輩從此郡選舉非所以彰瓌璋之高價昭大
知之絕明也傳曰函音咸咸牛之鼎一旦立之以烹

音咸咸 谷關也

雞多汁則淡而不可食少汁則焦而不可熟大器之
於小用固有所不宜也邕誠竊悵悒恠此寶鼎未受
犧牛大羨之和久佐煎熬音銜齧音恣之間願明

音銜 瘠貌 齧 音恣 齧肉

將軍回謀守慮思垂采納就讓疾病所親察之更以屬缺招延表貢行狀列于王府躋之宗伯納之機密展其力用副其器量夫若以年齒爲嫌則顏淵不得冠德行之首子竒不得紀治阿之功苟能其事古今一也密疏特表及期而行邦國其昌邕寢羸匍匐拜寄不敢須通

祖德頌

昔文王始受命武王定禍亂至于成王太平乃洽祥瑞畢降夫豈后德熙隆漸浸之所通也是以易嘉積

善有餘慶詩稱子孫保之非特王道然也賢人君子修仁履德者亦其有焉昔我烈祖暨于予考世載孝友重以明德率禮莫違是以靈祇降之休瑞鬼擾馴以昭其仁木連理以象其義斯乃祖禰之遺靈盛德之所貺也豈我童蒙孤稚所克任哉乃爲頌曰穆穆我祖世篤其仁其德克明惟懿惟醇宣慈惠和無競伊人巖巖我考蒞之以莊增崇丕顯克構其堂是用祚之休徵惟光厥徵伊何於昭于今園有甘棠別榦同心墳有擾鬼宅我栢林神不可誣僞不可加折薪

華本題中無謚字

顧本傳云謚為文忠先生誤倒當依此正之

華本幽作靈以作已

華本以世作祚一謚作謚以作已

華本五作二顧三字最是二等之爵者漢制

之業畏不克荷矧貪靈貺以為已華惟予小子豈不
是欲干有先功匪榮伊辱

朱公叔謚議

漢益州刺史南陽朱公叔卒門人陳季珪等議所謚
云宜曰忠文子陳留蔡邕議曰昔在聖人之制謚也
將以勸善彰惡俾民興行賢愚臧否依事從實雖文
武之美幽厲之穢罔不具存自王公以降至于列國
大夫皆用配號傳于無窮秦以世言溢而黜其事漢
興以來惟天子與五等之爵然後有之公卿大臣其

王也侯也

華本修作循

顧云益州當作貞宜見本傳

華本美作羨典作學

華本者字無

華本白字又曰忠三字于謀
海字並無勿作無

華本左下有氏字無曰
字有作以作有

禮闕焉。歷世彌久。莫之或修。益州府君貫綜典術。率
由舊章。始與諸儒考禮定議。加陳留府君以益州之
謚。是後覽之者。亦無間焉。今子竄竄前業。不忘遺
則。孝既至矣。禮實宜之。謹覽陳生之議。思忠文之意。
參之群典。稽之謚法。夫萬類莫貴乎人。百行莫美乎
忠。故夏后氏正以人統。教以忠德。然則忠也者。人德
之至也。而猶有三焉。孔子曰。進思盡忠。又曰。臣事君
以忠。奉上之忠也。曰。為人謀而不忠乎。又曰。忠焉能
勿誨乎。謀誨之忠也。春秋左傳曰。小大之獄。必以情

華本情字也字曰字並無

華本則字作剛中作忠

華本忠字無

華本救字空善尊作
諡梁頌云此指本傳奏
記梁業事也諡梁最是
鈔本心作精華本脫

頌云此指本傳遂發墓剖
棺陳尸出之事也盜字似
有誤
華本與作也作矣矣字無

華本緊字在布字上

華本忠字脫頌云忠以為
實文以彰之本傳注引
華本貞上有忠字之作也
華本遂從非釋史作史釋

情忠之屬也。又曰上思利人曰忠。撫下之忠也。三者
人之則而忠行乎其中。益州府君自始事至沒身。忠
言不輟乎口。忠謀不已乎心。其在帝室。正身危行。言
如砥矢。策合神明。蹇蹇之諫。文章具存。奉上忠矣。其
在部臣。匡救善導。出自一心。疑不我聽者。果有蹟覆
不測之禍。謀誨忠矣。爰牧冀州。時值凶荒。勞心苦思。
勤恤度事。誅斃貪暴。糾戢貴黨。雖則強禦。當官能行。
夫豈淫刑。將有利也。發墓盜柩。議而不罪。夫豈漏姦。
察以情也。撫下忠矣。位在牧伯。職據納言。秉權食祿。

實有年數。而居無畜好。財貨不益。舊糲食布衾。緊謂
之精麗者。昔魯季孫行父卒。宰庀音詬具也家器。無衣帛
之妾。無食粟之馬。君子曰。相三君矣。而無私積。可不
謂忠乎。而謚曰文子。春秋外傳曰。忠文之實也。然則
文忠之彰也。忠以為實。文以彰之。事通議合。兩名一
致。是貞儉之稱文也。邾子蘧篠音除上遷于繹。史曰。利
於民。不利於君。公曰。民苟利矣。孤亦與焉。於是遷而
遂卒。謚曰文公。是危身利民之稱文也。衛大夫孔圉
謚曰文子。子貢疑焉。惟敏而好學。不耻下問。仲尼與

華本好字脫

華本疾棄廢作晉靡
顧三晉靡是羅作離

顧三趙康叔威見本傳
華本做作修

華本三子字並無顧三懿
下當衍字

抄本卒下有兩字

華本同盟作盟同體故作
文明

華本稱字無抄本有

華本以字無

華本矣作以日作曰

華本復字作子賢老之
福五字父字無抄本有

之是勤學好問之稱文也。府君所在屢以忤違。阼以深患。苟除民害。死生以之。前後三黜。一罹疾廢於身。危矣。兼包六典。命世作師。猶復宗事趙叟。示有攸尊。能下問矣。有一於此。猶可以稱。况乃忠兼三義。文備三德。於古志不悖。而謚法亦曰宜矣。本議曰忠文子。按古之以子配謚者。魯之季文子。孟懿子。衛之孫文子。公叔文子。皆諸侯之臣也。至於王室之卿大夫。其尊與諸侯並。故以公配。春秋曰劉卷卒。葬劉文公。公羊傳曰劉卷者。何。天子大夫也。經又曰王子虎卒。左

傳曰王叔文公卒。而如同盟禮也。此皆天子大夫得稱其禮。與同盟諸侯敵體故也。又禮緣臣子咸欲尊其君父。故雖侯伯子男之臣。自稱其君。咸得曰公。及其卒也。異國之人稱之。皆然是以。邾子許男稱公。以葬。春秋之正義也。以例言之。則府君王室亞卿也。有王叔劉氏之比。以臣子之辭言之。則有邾許稱公之文。雖無土而其位是也。今日公猶可。若稱子則降等。多矣。懼禮廢日久。將詭時聽。周有仲山甫。伯陽嘉。父。俊老之稱也。宋有正考父。魯有尼父。配謚之稱也。春

華本與下有同禮二字

華本禮同作異七

華本使作斯

秋曰孔父。子曰伯某父。亡之稱也。父雖非爵號。與天子諸侯。咸用優賢禮。同順乎門人。臣子所稱之宜。可於公父之中。擇一處焉。使不得稱子而已。

九疑山銘


巖巖九疑。峻極于天。觸石膚合。與播連雲。時風嘉雨。浸潤下民。芒芒南土。實賴厥勛。逮于虞舜。聖德光明。克諧頑傲。以孝蒸蒸。師錫帝世。堯乃授徵。受終文祖。璇璣是承。泰階以平。人以其終。遂葬九疑。解體而升。登此崑崙。託靈神仙。

樽銘

酒以成禮。弗愆以淫。德將無醉。過則荒沈。盈而不冲。古人所箴。尚鑒茲器。懋勗厥心。

警枕銘

應龍蟠蟄。潛德保靈。制器象物。示有其形。哲人降鑒。居安聞傾。



蔡中郎集卷第四

漢 陳留蔡邕著

明新安汪士賢校

述行賦

延熹二年秋霖雨逾月是時梁冀新誅而徐璜左悺
五侯擅貴於其處又起顯明死于城西人徒凍餓不
得其命者甚衆白馬令李雲以直言死鴻臚陳君以
救雲抵罪璜以余能鼓琴自朝廷敕陳留郡守遣余
到偃師病不前得歸心憤此事遂託所過述而成賦

余有行于京洛兮，邁淫雨之經時。塗迤邐其蹇連兮，潦汙滯而爲災。馬桀蹠而不進兮，心鬱悒而憤思。聊弘慮以存古兮，宜幽情而屬詞。久余宿于大梁兮，諄無忌之稱神。哀晉鄙之無辜兮，忿朱亥之篡軍。歷中牟之舊城兮，憎佛盼之不臣。問甯越之裔胄兮，藐髣髴而無聞。經圃田而瞰址境兮，晤衛康之所隘兮。弔邑而增感歎兮，愠叔氏之啓商。過漢祖之所隘兮，弔紀信於滎陽。降虎牢之曲陰兮，路丘墟以盤縈。勤諸侯之遠戍兮，侈申子之美城。稔濤塗之復惡兮，陷夫

人以大名登長坂以凌高兮，陟葱山之崑嶠。建撫體而立洪高兮，經萬世而不傾。廻峭峻以降阻兮，小阜寥其異形。岡岑紆以連屬兮，谿谷負

幸現二音
深遠也

其脊

冥迫嵯峨以乖邪兮，廓巖壑以崢嶸。攢械樸而雜榛，楛兮被浣濯而羅布。且茨蕒與臺菌兮，緣層崖而結莖。行遊日以南望兮，覽太室之威靈。顧大河于北垠兮，瞰洛汭之始并。追劉定之攸儀兮，美伯禹之所營。悼太康之失位兮，愍五子之歌聲。尋修軌以增舉兮，邈悠悠之未央。山風洌以飈涌兮，氣燥燥而厲涼。雲

鬱術而四塞兮雨濛濛而漸唐僕夫疲而劬瘁兮我
 馬虺頽以玄黃格莽丘而稅駕兮陰曠曠而不陽哀
 衰周之多故兮眺瀕隈而增感念子帶之淫逸兮喑
 言鴈弔失國曰喑襄王於壇坎悲寵嬖之為梗兮心惻愴而
 懷燥乘舫舟而沂湍流兮浮清波以橫厲想宓妃之
 靈光兮神幽隱以潛翳實熊耳之泉液兮總伊瀍與
 澗瀨通渠源於京城兮引職貢乎荒裔操吳榜其萬
 艘兮充王府而納最濟西溪而容與兮息鞏都而後
 逝愍末公之失師兮疾子朝之為害玄雲黯以凝結

兮集零雨之溱溱路阻敗而無軌兮塗滯溺而難遵
 率陵阿以登降兮赴偃師而釋勤壯田橫之奉首兮
 義二士之俠憤佇淹留以候霽兮感憂心之殷殷并
 日夜而遙思兮宵不寐以極晨候風雲之體勢兮天
 牢湍而無文彌信宿而後闕兮思逶迤以東運見陽
 光之顥顥兮懷少弭而有欣命僕夫其就駕兮吾將
 往乎京邑皇家赫而天居兮萬方徂而並集貴寵扇
 以彌熾兮僉守利而不戢前車覆而未遠兮後乘驅
 而競入窮巖巧於臺榭兮民露處而寢濕清嘉穀于

禽獸兮下糠粃而無粒弘寬裕於便辟兮糾忠諫其
駁急懷伊呂而黜遂兮道無因而獲入唐虞眇其既
遠兮常俗生於積習周道鞠為茂草兮哀正路之日
忽音忽汲也觀風化之得失兮猶紛掌其多違無亮采以
匡世兮亦何為乎此畿甘衡門以寧神兮詠都人而
思歸爰結蹤而迴軌兮復邦族以自綏亂曰跋涉遐
路艱以阻兮終其永懷窘陰雨兮歷觀羣都尋前緒
兮考之舊聞厥事舉兮登高斯賦義有取兮則善戒
惡豈云苟兮翩翩獨征無儔典兮言旋言復我心胥

兮

短人賦

侏儒短人焦

音醮容止之貌也

僂之後出自外域戎狄別種

去俗歸義慕化企踵遂在中國形貌有部名之侏儒

生則象父唯有晏子在齊辨勇匡景拒崔加刃不恐

其餘疋么劣厥僂窶噓

音或叫呼也

噴怒語與人相拒矇

昧嗜酒喜索罰舉醉則揚聲罵詈恣口衆人患忌難

與竝侶是以陳賦引譬比偶皆得形象誠如所語其

詞曰雄荆鷄兮鶩鶩鶉鶉鳩鷓兮鶉鷄鷓冠戴勝兮

啄木兒觀短人兮形若斯熱地蝗兮蘆卽且爾中蛹
兮蠶蠕須視短人兮形若斯木門闔兮梁上柱敝鑿
頭兮斷柯斧鞞鞞鼓兮補履撲脫推枘兮擣衣杵視
短人兮形如許

漢津賦

夫何大川之浩浩兮洪流淼以玄清配名位乎天漢
披厚土而載形登源自乎嶠音播波二冢引漾澧而東
征納陽谷之所吐兮兼漢沔之殊名總畎澮之羣液
兮演西土之陰精遇萬山以左迴兮旋襄陽而南縈

切大別之東山兮與江湘乎通靈嘉清源之體勢兮
澹澹潏以安流鱗甲育其萬類兮蛟龍集以嬉遊明
珠胎于靈蚌兮夜光潛乎玄洲雜神寶其充盈兮豈
魚龜之足收於是遊目騁觀南援三州北集京都上
控隴坻下接江湖導財運貨懋遷有無旣乃風飈蕭
瑟勃焉竝興陽侯沛以奔駑洪濤涌而沸騰願乘流
以上下窮滄浪乎三漣音策水涯也覩朝宗之形兆瞰洞
庭之交會

協和婚賦

惟情性之至好歡莫偉乎夫婦受精靈之造化固神明之所使事深微以玄妙實人倫之肇始考邃初之原本覽陰陽之綱紀乾坤和其剛柔良父感其腠腠葛覃恐其失時標梅求其庶士唯休和之盛代男女得乎年齒婚姻協而莫違播欣欣之繁祉良辰既至婚禮已舉二族崇飾威儀有序嘉賓僚黨祁祁雲聚車服照路驂駢如舉旣臻門屏結軌下車阿傅御堅鴈行蹉跎麗女盛飾曄如春華

筆賦

惟其翰之所生于季冬之狡兔性精亟以慄悍體端迅以騁步削文竹以爲管加漆絲之纏束形調搏以直端染玄墨以定色畫乾坤之陰陽讚宓皇之洪勳敘五帝之休德揚蕩蕩之明文紀三王之功伐今表八百之肆覲博六經而綴百氏今建皇極而序彛倫綜人事於晡昧兮替幽冥於明神象類多喻靡施不協上剛下柔乾坤位也新故代謝四時次也圓和正直規矩極也玄首黃管天地色也

琴賦

歷松岑而將降睹鴻梧於幽阻高百仞而不枉對修
條而特處蹈通崖而往遊圖茲梧之所宜信雅琴之
麗樸乃弁伐其孫枝命離婁使布繩施公輸之劓音
刀曲也 刷音厥與 逐雕琢而成器揆神農之初制盡聲
變之奧妙抒心志之鬱滯

彈琴賦 一本作頌

清聲發兮五音舉韻宮商兮動徵羽曲引興兮繁絲
撫然後哀聲既發秘弄乃開左手抑揚右手徘徊抵
掌反覆抑按藏摧於是繁絃既抑雅韻乃揚仰尼思

歸鹿鳴三章梁甫悲吟周公越裳青雀西飛別鶴東
翔飲馬長城楚曲明光走獸率舞飛鳥下翔感激絃
歌一低一昂

彈碁賦

榮華灼爍粵不韡音葦花 韡於是列象雕華逞麗豐
腹斂邊中隱四企輕利調博易使馳騁然後我製兵
綦夸驚或風飄波動若飛若浮不遲不疾如行如留
放一敝六功無與儔

胡栗賦

樹遐方之嘉木兮千靈宇之前庭通二門以征行兮
夾堦除而列生彌霜雪而不彫兮當春夏而滋榮因
本心以誕節兮凝育葉之綠英形猗猗以艷茂兮似
翠玉之清明何根莖之豐美兮將蕃熾以悠長適禍
賊之災人兮嗟天折以摧傷

篆勢

字畫之始因於鳥跡蒼頡循聖作則制文體有六篆
巧妙入神或象龜文或比龍鱗紆體放尾長翅短身
頡若黍稷之垂頰蘊若虫蛇之焚緼揚波振擊龍躍

鳥震延頸脅翼勢欲凌雲或輕舉內投微本濃末若
絕若連似冰露綠絲凝垂下端從者如懸衡者如編
杪者邪趯不方不圓若行若飛岐音噴翾小翾遠飛貌
而望之若鴻鵠羣遊絡繹遷延迫而視之湍際不可
得見指揮不可勝原研桑不能數其詰屈離婁不能
覩其隙間般倅揖讓而辭巧籀誦拱手而韜翰處篇
籍之首目粲粲彬彬其可觀摛華豔於純素爲學藝
之範閑嘉文德之弘懿蘊作者之莫刊思字體之俯
仰舉大略而論旃

隸勢

鳥跡之變乃惟佐隸蠲彼繁文崇此簡易厥用既行
體象有度負若星陣鬱若雲布其大徑尋細不容髮
隨事從宜靡有常制或穹窿恢廓或櫛比鍼列或砥
繩平直或蜿蜒繆戾或長邪角趣或規旋矩折修短
相副異體同勢奮華輕舉離而不絕纖波濃點錯落
其間若鍾簾音巨設張庭燎飛煙斬崑崔嵯高下屬連
似崇臺重宇層雲冠山遠而望之若飛龍在天近而
察之心亂目眩竒姿譎誕不可勝原研桑所不能計

宰賜所不能言仙草篆之足算而斯文之未宣豈體
大之難覩將秘奧之不傳聊佇思而詳觀舉大略而
論旃

飲馬長城窟行

青青河邊草絲絲思遠道遠道不可思宿昔夢見之
夢見在我旁忽覺在他鄉他鄉各異縣展轉不可見
枯桑知天風海水知天寒入門各自媚誰肯相為言
客從遠方來遺我雙鯉魚呼童烹鯉魚中有尺素書
長跪讀素書書中竟何如上有加飡食下有長相憶

荅元式詩

伊余有行爰戾茲邦先進博學同類率從濟濟羣彥
如雲如龍君子博文貽我德音辭之輯矣穆如清風

翠鳥詩

庭陬音鄒角有若榴綠葉含丹榮翠鳥時來集振翼
修形容迴顧生碧色動搖揚縹青幸脫虞人機得親
君子庭馴心托君素雌雄保百齡

蔡中郎集卷第四終

蔡中郎集卷第五

漢 陳留蔡邕著

明新安汪士賢校

光武濟陽宮碑

惟漢再受命曰世祖光武皇帝考南頓君初為濟陽
令濟陽有武帝行過宮常封閉帝將生考以令舍下
濕開宮後殿居之建平元年十二月甲子夜帝生時
有赤光室中皆明使卜者王長卜之長曰此善事不
可言歲有嘉禾一莖生九穗長於凡禾因為尊諱王

室中微哀平短祚姦臣王莽偷有神器十有八年罪
成惡熟天人致誅帝乃龍見白水淵躍昆上破前隊
之衆彌二公之師牧兵略地經營河朔戮力戎功翼
戴更始義不卽命帝位闕焉於是羣公諸將據河洛
之文叶符瑞之珍僉曰曆數在帝踐祚允宜乃以建
武元年六月乙未卽位鄆縣之陽九域之陌祀漢配
天不失舊物享國三十六年方內乂安蠻夷率服巡
狩泰山禪梁父皇代之遐迹帝者之上儀罔不畢舉
道德餘慶延于無窮先民有言樂樂其所自生而禮

不忘其本是以虞稱媯

音歸水名 汭 音芮水名

姬美周原

天乃眷神宮實始于此厥跡邈哉所謂神麗顯融越
不可尚小臣河南尹華瑋先祖銀艾封侯歷世卿尹
受漢厚恩瑋以商箕餘烈郡舉孝廉爲大官承來在
濟陽願見神宮追惟桑梓褒述之義用敢作頌頌曰
赫矣炎光爰耀其輝篤生聖皇二漢之微稽度乾則
誕育靈姿黃孽作慝篡握天機帝赫斯怒爰整其師
應期潛見扶陽而飛禍亂克定羣凶殄夷匡復帝載
萬國以綏巡于四嶽展義省方登封降禪升于中皇

爰茲初基天命孔彰子子孫孫保之無疆

陳太丘碑

先生諱寔字仲弓潁川許昌人也含元精之和應期
運之數兼資九德總修百行於鄉黨則恂恂焉斌斌
焉善誘善導仁而愛人使夫少長咸安懷之其為道
也用行舍藏進退可度不徼訐以干時不遷怒以臨
下四為郡功曹五辟豫州六辟三府再辟大將軍宰
聞喜半歲太丘一年德務中庸教敦不肅政以禮成
化行有謚會遭黨事禁錮二十年樂天知命澹然目

選無昌字華本應作齊
選作應

斌選作彬

怒選作貳

錮選作固抄本自作自

黜選作瀆華本幾作機

華本開作問

華本特表作持選作特
是也顧言持明神廟本特
華本起作起選作起

華本手作首選作手

文仲選作臧文

於選作乎
顧云平四年本傳云中平四年
誤當依此又云文選亦云三年洪
氏赫續已辨漢史誤作四年
矣又云子文選午依通鑑

逸交不諂上愛不黷下見幾而作不俟終日及文書
赦宥時年已七十遂隱丘山懸車告老四門備禮閑
心靜居大將軍何公司徒袁公前後招辟使人曉諭
云欲特表便可入踐常伯超補三事佩紆金紫光國
垂勳先生曰絕望已久飾巾待期而已皆遂不至弘
農楊公東海陳公每在袞職羣僚賀之皆舉手曰潁
川陳君命世絕倫大位未躋慙於文仲竊位之負故
時人高其德重於公相之位也年八十有三中平三
年八月丙子遭疾而終臨沒顧命留葬所卒時服素

目錄中平三年八月壬辰朔
有丙午時五無丙子文選是
矣華本用作周

華本數作叟選同此

華本數作岳苞作包曜作輝
選並同此選無一字華本有

績選作跡華本同此

華本令下無文字選有選官
作言

華本合作令選同此

選有作又

華本以作已

華本成斯作成時選作
時成華本可止有斯字

也選作已
華本我以下另行低一格

嶽選同華本作岳
華地作已選同此

華本爰集于棘句脫徐
本有選亦有華本有作

可選同此
華本題無廟銘二字

願云隸續第十九載此殘
碑

棺槨財用襯喪事唯約用過乎儉羣公百僚莫不咨
嗟巖藪知名失聲揮涕大將軍弔祠錫以嘉諡曰徵
士陳君稟嶽瀆之精苞靈曜之純天不憖遺一老俾
屏我王梁崩哲萎于時靡憲縉紳儒林論德謀績諡
曰文範先生傳曰郁郁乎文哉書曰洪範九疇彝倫
攸叙文為德表範為士則存誨沒號不亦宜乎三公
遣令史祭以中牢刺史敬弔太守南陽曹府君命官
作誄曰赫矣陳君命世是生含光醇德為士作程資
始既正守終有令奉禮終沒休矣清聲遣官屬掾吏

前後赴會刊石作銘府丞與比縣會葬荀慈明韓元
長等五百餘人總麻設位哀以送之遠近會葬千人
以上河南尹种府君臨郡追嘆功德述錄高行以為
遠近鮮能及之重部大掾以成斯銘可謂存榮沒哀
死而不朽者也乃作銘曰我我崇嶽吐符降神於皇
先生抱寶懷珍如何昊穹既喪斯文微言圯絕來者
曷聞交交黃鳥爰集于棘命不可贖哀何有極

陳太丘廟碑銘

維中平五年春三月癸未豫州刺史典以褒功述德

華本絕作昭

願云洪氏云日月下並闕
華本資作咨

華本牙作焉抄本同此

華本生字無

華本於地作謚元孝作禮
願禮三家詩也說苑復恩漢

書宣帝紀蕭望之傳皆與
此同王氏詩考引韓詩外
傳正如此今本外傳作履
者誤華本於皇以下另
行低一格

華本亦作亦願云亦是

願云洪氏又引欽慕以下
六句字多不同

華本式作戒

政之大經是以作謚封墓興於周禮衛鼎晉銘其絕
有實故太丘長賴川許昌陳寔字仲弓含聖哲之清
和盡人才之上美光明配於日月廣大資乎天地辟
四府宰三城神化著於民物形表圖於丹青巍巍乎
其不可尚也洋洋乎其不可測也儉約違時懸車致
仕徵辟交至遂不屑就春秋八十有三寢疾而終大
將軍賜謚羣后建碑國人立廟先生有二子季方元
方皆命世希有繼期特立季方盛年早亡亦圖容加
於地方在喪毀瘁消形嘔血純孝過哀率禮不越干

華本異字無

華本亦作舊
詞白字無

時嘉異畫像郡國欽盛德之休明懿鍾鼎之碩義乃
樹碑鐫石垂世寵光詞曰於皇先生冠耀八荒闡德
之宇探道之綱繼期立表以訓四方惟亮天工羣生
之望高明允實有馥其芳載德奕世休有烈光欽慕
在人舊有憲章過牧斯州庶奉清塵棄予而邁靡瞻
靡聞嗟我懷矣曷所咨詢告哀金石式昭其勤

文範先生陳仲弓銘

君諱寔字仲弓賴川許人也其先出自有虞氏中葉
當周之盛德有媯滿者武王配以太姬而封諸太昊

華本末作宋

華本咨作姿迹作通

華本威作石願改君政作

之墟是為陳胡公春秋之末失其爵土遂以國氏焉
世篤懿德今聞不顯君膺皇靈之清和受明哲之上
咨憑先民之遐迹秉玄妙之淑行投足而襲其軌施
舍而合其量夫其仁愛溫柔足以孕育羣生廣大寬
裕足以包覆無方剛毅強固足以威暴矯邪正身體
化足以陶冶世心先生有四德者故言斯可象靜斯
可効是以邦之子弟遐方後生莫不同情瞻仰由其
模範從其趣尚戾很斯和爭訟化讓雖嚴威猛政迫
以刑戮未若先生潛導之速也其立朝事上也恭順

抄本舍作舍華本直作

華本于字無抄本校增

華本總字空

華本之字無所字空

華本邑字作所以二字

華本羅作離仗作復試作武

貞厲舍章直方無顯諫以彰直不割高而引長常幹
州郡腹心之任義則進之以達道否則退之以光操
然後德立名宣蓋于當世辟司徒府納規陳謀匡弼
三事人用昭明台階允寧遷聞喜長清風暢於所漸
儉節溢於監司郡政有錯爭之不從即解綬去復辟
大尉府遷太丘長民之治情歛慾反於端懿者猶草
木之偃於翔風百卉之挺於春陽也以所執不協所
屬色斯舉矣不俟終日辟大將軍府道之行廢有分
於命乃罹密網以就禁錮潛伏不試十有八年大忌

華本數作故其作其錄下有之字

華本作字無誅下有行告二字
字願云誅行最是鄭禮記注
有其證檀弓曾子問
華本德字無以作已

華本獲字無抄本作亨願云
抄本有亨字是也赫釋十八洪
氏引此有亨字
華本修作循

華本速字無于作功

華本所作不也作辭

華本抄本銘下並有空德
作得

華本抄本斯字並空
華本於熙以下另行低一
格

願云誕鋪者誕敷也

華本示作亦願云亦世者亦
世也又紫亦如字讀棋安碑
郭仲奇碑能君碑武榮碑
皆云奕世載德華昭注國語
云奕奕前人也讀奕為亦又
云後有作奕者或改之耳

獨除舉賢良方正大將軍司徒並辟君曰七十有縣
車之禮況我過諸遂不應其命容止法度老而彌壯
凡所履行事類博審不可勝數略舉首目其實錄記
在乎其傳春秋八十有三中平三年八月丙子卒大
將軍三公使御屬往弔祠會葬作誄諡曰文範先生
刺史太守樹碑頌德許令以下至於國人立廟舊邑
四時蒸嘗歡哀承祀其如祖禰先生存獲重稱亡歆
血食修行於已得斯於人固上世之所罕有前哲之
所不過也孤嗣紀銜恤在疚敢錄言行終始所守乃

有二三友生咨度禮則咸曰君化道神速行于有國
法施于民祀典所宗鄉人之祠非此遺孤所得專也
昔者先生甚樂茲土築室講誨精靈所寧紀順奉雅
意遂定兆域宜有銘勒表墳墓俾後生之歌詠德音
者知丘封之存斯也乃作銘曰於熙文考天授弘造
淵玄其深巍峩其高剛而無虐柔而不撓誕鋪模憲
示世作教君之誨矣民胥効矣道行斯進廢乃斯止
鮮我顯泰既多幽否含榮取辱涅而不緇德之休明
賤不為耻超邈其猷莫與方軌

華本道下有太原郭三字

郭有道林宗碑

先生名恭字林宗太原界休人也其先出自有周王季之穆有號叔者實有懿德文王咨焉建國命氏或謂之郭即其後也先生誕膺天衷聰獻明哲孝友溫恭仁篤柔惠夫其器量弘深姿度廣大浩浩焉汪汪焉奧乎不可測已若乃砥節勵行直道正辭貞固足以幹事隱括足以矯時遂考覽六籍探綜圖緯周流華夏游集帝學收文武之將墜拯微言之未絕于時紅綏之徒紳佩之士望形表而景附聆嘉聲而響和

華本圖作羣選作圖

華本收作救選作收極作

極選作極

華本紅作纓景作景

華本時作爾

華本不作之

洪崖選作鴻涯 惠校絕水 經注逸

華本時作時 本傳及選三 並作二

惠校三年水經注作四年案謝 承後漢書亦云建寧三年此 卿元之誤也 又云水經注作丁 選推作惟圖作謀

華本記作見選亦作見

選建作樹

者猶百川之歸巨海鱗介之宗龜龍也時乃潛隱衡門收朋勤誨童蒙賴焉用祛其蔽州郡聞德虛已備禮莫之能致羣公休之遂辟司徒掾又舉有道皆以疾辭將蹈洪崖之遐跡紹巢由之絕軌翔區外以舒翼超天衢以高峙稟命不融享年四十有三以建寧二年正月乙亥卒凡我四方同好之人永懷哀悼靡所置念乃相與推先生之德以圖不朽之事僉以為先民既沒而德音猶存者亦賴之於紀述也今其如何而闕斯禮於是建碑表墓昭銘景行俾芳烈奮乎

華本開作問顧云宋本文
選亦作問華本于作乎
華本於休以下另行低一格

華本其作而

華本耀作懼爾作永效作
効
藝文三十七略同

華本題首有故字橋
作喬下同
華本紹基立作在不十
二顧云不十二姓見國語

鈔本諱上有父字

張本繼作純

周憲云景

鈔本桂作貴抱經云桂
乃貴字之誤
樹房貴戚惠云謂梁葉

鈔本屋上有之字

百世今聞顯于無窮其詞曰於休先生明德通玄純
懿淑靈受之自天崇壯幽濬如山如淵禮樂是悅詩
書是敦匪惟撫華乃尋厥根官墻重仞允得其門懿
乎其純確乎其操洋洋搢紳言觀其高棲遲泌丘善
誘能教赫赫三事幾行其招委辭召貢保此清妙降
年不永民斯悲悼爰勒茲銘摘其光耀嗟爾來世是
則是效

太尉橋公廟碑

橋氏之先出自黃帝帝葬于橋山子孫之紹基立姓

者咸以為氏漢興世以禮樂為業高祖諱仁位至大
鴻臚列名於儒林祖侍中廣川相考東萊太守公稟
性貞純幼有弘姿剛而不虐威而不猛聞仁必行睹
義斯居文以典術守以繼固弱冠從政當官而行刺
史周公辟舉從事所部二千石受取有驗公糾發贓
罪致之於理時有椒房桂戚之託周公累息公不為
之動史魚之勁直山甫之不阿於是始形舉孝廉除
郎中洛陽左尉特進潁王梁不疑為河南尹當事以
對是時畏其權寵而為屈辱者多矣公不折節解印

惠三郭鎮傳于積亦以能法
律至廷尉

顧三本傳三坐事為城旦刑即
此事也

張本警作酬

顧三西當作四黃鉞銘四府
表公可證

鈔本涼作梁顧三梁字是

顧三與後漢書西域傳不合
未詳

華本部下有侯字鈔
本後作假振聲按侯部
後似當作戎部侯後漢西
域傳序和帝永元三年又
置戎部侯居車師後部是
也

鈔本是下有以字

鈔本賂財作路之意謝承書
臨淄令路之路字是顧三當讀
臨淄令路之句絕路之令姓名
也

鈔本人字不重殺下人字
華本作之

綬去辟司徒舉高第補侍御史以詔書考司隸校尉
趙祁事廷尉郭貞私與公書非接使御命之儀公封
書以聞貞以文章得用鬼薪公離司寇辟大將軍梁
公幕府屢以救正于其隆指將軍嘉之無言不讐又
以高第補侍御史在職旬月羗戎匪茹震驚隴漢西
府舉公拜涼州刺史威名克宣凶虜革心清風席卷
至則無事車師後部阿羅多卑君相與爭國與兵作
亂公遣從事牛稱何傳舉輕騎奉辭責罪收阿羅多
卑君繫燉煌正處以聞阿羅多為王卑君侯稱以奉

使副指除侯部不動干戈揮鞭而定西域之事人以
為美談又值饑荒諸郡饑餒公開倉廩以貸救其命
主者以舊典宜先請公曰若先請民已死廩訖乃上
之詔報曰邊穀不得妄出玄擅出於是玄有汲黯憂
民之心後不以為常公達於事情剖斷不疑皆此類
也遷齊相視民如保赤子討惡若赴水火刑明賞遂
民知勸懼臨淄令賂財賊多罪正受鞠就刑沒齒無
怨竟以不先請免官徵拜上谷太守民有父子俱行
凶人人惡言當道曉之不止其子殺人而捕得公以

華本悔作侮

華本積作貞 錯作咎與
本傳合

振聲按後漢書孝桓帝
紀建和元年秋七月立帝
弟蠡吾侯惲為勃海王

其見悔辨直不舉文書以遇赦令蕃縣有帝舜廟以
故事齊祠戶曹史張機有懲罰貨祠巫自託以舜命
約公云不得譴公覺其奸態收考首伏即日伏辜遷
漢陽太守上邽令皇甫禎贓罪明審收考髡鉗死于
冀市後以病去徵拜議郎司徒長史循王惲桓帝同
產以懷逆謀黜封瘦陶王以公長於襟帶拜鉅鹿太
守惲畏怖明憲檢于靜息自將作大匠徵未到而章
謗先入故轉拜議郎遂用免官徵度遼將軍遷河南
尹少府大鴻臚司徒司空託病而法悉引衆災雖非

張本綱作罔顧云天網
見老子振聲按後漢
書朱穆傳太學書生上
書訟穆曰故穆張理天網
補綴漏目又曰懼天網之
久失是天網固當時習
用字也

鈔本祿下有位字選作
送華本至作不顧云不恥者
今文尚書之不台也

已負公皆以自劾遜位歲餘拜尚書令時河間相蓋
升以朝廷在藩國時隣近舊恩歷河南太守太中大
夫在郡受取數億以上創毒深刻公表升會放狼籍
不顧天網損辱國家為上招怨當肆市朝以謝兆民
幸遇贖令罪除惡在可免升官禁錮終身沒入財賂
非法之物以充帑藏懲戒羣下連表上不納而升遷
為侍中公稱病辭徙拜光祿大夫復拜太尉如前遜
位復拜少府病不就職拜太中大夫凡所獲祿皆公
府所特表選臨難受位自九列之後乃以不恥公紀

華本公諱至承有仰於
碑陰接銘詞作德萬邦下
銘詞與此段並列文前
鈔本府下有再字

綱張弛勇決不回。是非明作速於察機。燕居從容。申申天天。和樂寬裕。愛士親仁。凡見公容貌。聞公聲音。莫不熙怡悅懌。思樂模則。來者忘歸。去者願還。雅性謙克。不吝於利欲。雖衆子羣孫。並在仕次。曾無順媚。一言之求。身沒之日。無獲大位在百里者。莫得好縣。比方公孫。未有若茲者也。初公爲舍於舊里。弟卒。推與其孤。至於卽世。柩殯無所。清儉仁與之効。於斯爲著。巍巍乎若德允世之表儀也。已公諱玄。字公祖。少辟孝廉。辟司徒大將軍府。爲侍御史。牧一州。典五

惠云今在梁國睢陽縣

華本云字無張本云下有銘曰字銘詞提行
華本銘詞及公諱玄一段列文前低文一字

華本與作教

郡出將邊營。入掌機密。歷三卿。同三司。享年七十五。光和七年夏五月甲寅。以太中大夫薨于京師。朝廷所以弔贈如前傳之儀。九月乙酉。葬於某所。三孤故臣門人相與述公言行。咨度禮制。文德銘于三鼎。武功勒於鉦鉞。官簿次第事之實錄。書于碑陰。俾爾昆裔。永有仰於碑陰云。光光烈考。伊漢元公。克明克哲。實獻實聰。如淵之浚。如嶽之嵩。威壯虓虎。文繁雕龍。撫柔疆垂。戎狄率從。敷教中夏。五典攸通。帝謂我后。朕嘉君功。命君三事。時亮天工。公拜稽首。翼翼惟恭。

華本張本題並無頌字

左右天子。祇厥勲庸。庶績既熙。黎民時雍。上下謐寧。八方和同。丕顯伊德。作憲萬邦。

太尉橋公碑頌

公諱玄。字公祖。梁國睢陽人也。天鴻臚之曾孫。廣州相之孫。東萊太守之元子也。膺受純性。誕有特表。岐嶷而超等。總角而逸羣。至于初紳。高明卓異。為眾傑雄。其性疾華尚朴。有百折不繞。臨大節而不可奪之。風經藝傳。記周覽博涉。瑰奇在前。靡所不識。當世是以服重器。歸高名。州郡交請。待以訪斷。歷端首則義

華本百字無折下有而字。華本張本繞並作梳。

華本免任作已。茲張本作光。任振聲按。據廟碑稱補侍御史。以趙祁字得用。鬼新則免字是也。振聲按。西當作四。涼當作梁。說見廟碑。

可行。處爪牙而威以布。察孝廉。除郎中。洛陽左尉。以公事去。辟司徒舉高第。侍御史直道而往。用免其任。辟大將軍。西府表拜涼州刺史。遷齊相。以公事去。詔書印綬。即家拜上谷太守。遷漢陽太守。徵拜議郎。司徒長史。鉅鹿太守。被詔書為將作大匠。為受罰者所章。拜議郎。即徵拜度遼將軍。遷河南尹。少府。大鴻臚。遂陟司空。司徒。託病遜位。起家拜尚書令。以疾篤。稱拜光祿大夫。後拜太尉。久病自替。復為少府。太中大夫。春秋七十五。光和七年五月甲寅薨。公性質直。不

振聲按本傳七作六

華本先作光

惠三整字公脩見劉寬碑華本為作謂

華本列作劉

華本張本敢並作敬

通華本作述鈔本作述

惠云水經注作石鼎文石疑作右

惠云維建寧以下至受命金石文作中鼎銘

華本無再字哉字

華本越作曰子作內

華本罔字無畢作必著下其字華本無鈔本有罔敢不法至不誠華本作罔敢不法鼎于誠罔

憚強禦在憲臺則有盡規之忠領州郡則有虎眈軫
也脣瘍之威其拔賢如旋流討惡如霆擊每所臨向清
風先翔遠近豫震茲可謂超越衆庶彰於遠邇者已
於是故吏司徒博陵崔烈廷尉河南吳整等以為至
德在已揚之由人苟不皦述夫何考焉乃共勒嘉石
永昭芳烈遂作頌曰赫矣橋父秉文握武內為宗幹
出為藩輔在憲彈柱竟由厥矩允牧于涼刈彼裔土
爰將度遼亦用齊斧敷教四畿旋統京宇敦茲五服
衆庶是與膺踐七命翼我哲聖登空補袞陟徒訓敦

東鼎銘

尹尉清宸熙帝之政終始為良典章以定遺愛在民
皇哀其命立石刊銘莫遁斯聽魂而有靈萬億其盛

維建寧三年秋八月丁丑延公于玉堂前廷乃詔曰
其以大鴻臚橋玄為司空再拜稽首以讓帝曰俞往
哉三讓然後受命公乃虔恭夙夜帝采勤施八方旁
作穆穆以對揚天子不顯休命越在先民毗於天子
罔不著其殷肱畢其思心式率天行式昭德音公亦
克紹厥猷鑒于法罔敢不法憲于誠罔敢不誠用總

敢不法鼎于誠

是羣后保又帝家助在方冊民咸曰休哉惟帝念功
越若來二月丁丑遷於司徒

中鼎銘

維建寧四年三月丁丑延公登于玉堂前廷乃制詔
曰其以司空橋玄為司徒公拜稽首以讓帝曰俞往
哉三讓然後受命公允迪厥德宣力肆勤戰戰兢兢
以役帝事率夫百辟媚于天子天子曰都慎厥身修
思永同寅協恭以和天衷德則昭之違則塞之回乃
不敢不弼枉乃不敢不匡股肱之事既克三事之繇

華本無稽字哉字命
惠云公允迪以下金石文作
東鼎銘

華本天子二字不重鈔本
慎作慎華本身字無
慎作循

顧云隸續司空殘碑予曰
爾輔與此皆用尚書予違
汝弼也

允備災菁作見乃引其責曰凡庶徵不若彛倫不叙
是惟臣之職祗以疾告表越十月庚午記此

西鼎銘

惠云水經注作左鼎
文

維光和元年冬十二月丁巳延公入崇德殿前乃制
詔曰其以光祿大夫玄為太尉公拜稽首曰臣聞之
三讓莫或克從臣不敢辭臣犬馬齒七十可以生可
以死其戮力閑私悉心在公以盡為臣之節于時侍
從陛階與聞公之昌言者莫不惕厲如履薄冰既乃
碑表百代

華本辭作辟

華本閑作閑

華本從陛作軒私

蔡中郎集卷第五終

蔡中郎集卷第六

漢 陳留蔡邕著

明新安汪士賢校

黃鉞銘

孝桓之季年。鮮卑入塞。盜起匈奴左部。梁州叛羗逼
迫。兵誅淫衍東夷。高句麗音匹翻音匹子百固逆謀並發。
三垂騷然。為國憂念。西府表橋公昔在涼州。柔遠能
邇。不煩軍師。而車師克定。及在上谷。漢陽。連在營郡。
膂力方剛。明集士衆。徵拜度遼將軍。始受旄鉞鉦鼓。

華本塞下有秒字振聲按當作抄鈔本傳作華本夷作移鈔本翻作詞願云本傳作嗣百本傳作伯華本西作四振聲按本傳作涼作梁鈔本營作旅華本在御

鈔本頻作連

華本銘曰二字無

之任。扞禦三垂。公以吏士頻年在外。勤於奔命。人馬疲羸。撓鈍。請且息。州營橫發之役。以補困憊。朝廷許之。於是儲厚豐饒。室罄不懸。人逸馬畜。弓勁矢利。而經用省息。官有餘資。執事無放散之尤。簿書有進入之羸。治兵示威。戎士踊躍。旌旗耀日。金鼓霆奮。守有山嶽之固。攻有必克之勢。羗戎授首于西疆。百固冰散于東鄰。鮮卑收迹。烽燧不舉。眎事三年。馬不帶缺。

音決

弓不受彊

音握弓弩端

是用鏤石作茲鉦鉞軍

鼓陳之東階。以昭公文武之助焉。銘曰。帝命將軍秉

茲。昔鉞威靈振耀如火之烈。公之在位。羣狄斯柔。齊斧罔設。人士斯休。

漢太尉楊公碑

顧本傳散作獻

華本係字無佐作祐

華本烈作力

華本柯作何變作而鈔本維而枝作淮兩

華本藝作以朗作廟不上有公事二字

公諱賜字伯猷。弘農華陰人。姬姓之國。有楊侯者。公其後也。其在漢室。赤泉侯佐高丞相翼宣。咸以盛德光于前朝。祖司徒。考太尉。繼跡宰司。咸有助烈。公承家崇軌。受天醇素。欽承奉構。閑于伐柯。烈風維變。不易其趣。文藝典籍。尋道入奧。操清行朗。潛晦幽閒。不荅州郡之命。辟大將軍府。不得已而應之。遷陳倉令。

陳鱣按此兩是也維而高存形似徐刻作雖變相去遠矣

華本特字無辭作辟

華本以作之

華本庶作度 鈔本推作惟

華本避作退受作爰

華本敬敷三字無洽作給
化字無

華本三下有時字无下無
耀字

華本三字無
華本榮字無

公乃因是行退居廬公車特徵以病辭司空舉高第
拜侍中越騎校尉帝篤先業將問故訓公以羣公之
舉進授尚書于禁中遷少府光祿勳敬揆百事莫不
時序庶尹知恤閭闔推清列作司空地平天成陰陽
不忒公遂身避託疾告退又以光祿大夫受命司徒
敬敷五品宜洽人倫燮和化理股肱耳目之任靡不
克明及至太尉四時順動三光耀潤羣生豐遂太和
交薄三作六卿五蹈三階受爵開國應位特進非盛
德休功假于夫人孰能該備寵榮兼包令錫如公之

華本并參作拜家鈔本
家作家

華本述字無

華本銘曰二字無天降以
下另行低一格

華本葉作業身暨作
與樂尤作凡

華本清作清

至者乎公體資明哲長於知見凡所辟選升諸帝朝
者莫非瑰才逸秀并參儲佐惟我下流二三小臣穢
損清風愧于前人乃糾合同寮各述所審紀公勲績
刊石立銘以慰來懷銘曰天降純嘏 篤生柔嘉俾
胤祖考光輔國家三葉在服帝載用和粵暨我公尤
執不貞在棟伊隆于鼎斯寧德被宇宙華夏以濟受
茲介福履祚孔成爲邑河渭衮冕絺絜音提太圭以
佐天子祇事三靈丕顯伊德萬邦作程爰銘爰贊式
昭懿聲

文烈侯楊公碑

公諱賜字伯猷兼通五典周覽篇籍以為尚書帝王之要政有國之大本也是以三葉相承研其精義五代之微言王政之約網罔不尋其端源究其條貫凜乎其見聖人之情旨也蓋以蹈騰餘蹤思高游夏初潛山澤授誨童冠後生賴以發袪蒙蔽文其材素者蓋不可勝數乃由宰府遂作帝臣于時聖幼將入學羣公以溫故知新德宜師保乃以越騎校尉援于光上之內帝坐已北面以納大誨其教人善誘則恂恂

華本教作開

華本要政作壯士鈔本莊作仕鈔本葉誤葉願三葉震身賜華本精義例華本約綱固作絃綱蹤作縱夏下有以字蹈作韜

華本上作顧云光當作華光後碑述入華光本傳乃

侍講於華光殿中注洛陽宮殿名曰華光殿在崇光殿北

華本滋作茲

華本朋作明制作則寶下有則字之文則史作諫諍故三字願云諫諍當作諫諍

華本魏以下另行低格士作小

焉罔不伸也引情致喻則閭閻焉罔不釋也迄用有成緝熙光明惟帝念功六在九卿三事勛假皇天澤充區域疆土建封申增戶邑人臣之極位兼而有之然處豐益約九命滋恭可謂高朗令終有始有卒者已於是門生大將軍何進等瞻仰洙泗公喪之禮糾合朋徒稽諸典制僉以為匡弼之功政事之實詔策之文則史臣志其詳若夫道術之美授之方策則是門人二三小子所特貫綜敢竭不才譔錄所審言于碑乃申頌曰巍巍聖猷匪師不昭士子困蒙匪師不

華本喻作踰鈔本論

教於皇文父邈哉伊超如王之固如嶽之喬鑽之斯
堅仰之彌高示我顯德授我無隱正席傳道承帝之
問誨茲一人萬邦作順微我徒實賴遺訓文武作
式元勛既奮光啓爵土垂統末胤存榮亡哀沒而不
泯

司空文烈侯楊公碑

曰漢有國師司空文烈侯楊公公惟司徒之孫太尉
公之胤子皇祖考以懿德胥及肄勤式建休勳啓洪
範公祇服弘業克丕堂構小乃不敢不慎大亦不敢

華本肆作肆顧云即盤
庚胥及逸勤今文尚書遂
作肆式作或

華本辟作於

華本逮作進

華本事作授以字無

華本劇作處

華本險作儉

華本禁作襟

不戒用罔有擇言失行在於其躬洎在辟舉先志載
言罔不攸該乃自宰臣以從王事立功不有用辭其
祿逮作御史允執國憲納于侍中在帝左右爰董武
事王師孔閑羣公以舊德碩儒道通術明宜建師保
延入華光侍宴露寢敷典誥之精旨達聖王之聰獻
帝以機密齊栗常伯劇任鮮克知臧以釐其采命公
再作少府俾率其屬以熙庶績天地作險國家丕承
軍門祛禁式遏寇虐命公再作光祿亦總其熊羆之
士不貳心之臣保乂帝家巖巖大理惟制民命命公

華本廷作民之恤倒顧
云恤之徐本之恤蓋是四
方二字無惟字之作體

華本朝明下八字在順序
下又休哉下有親百姓敷
五教六字五教以親百
姓六字無願云此處疑有
舛錯

華本運作洋

華本宣字無鈔本存
翼作投之願云投當振

華本簡作簡

華本傾作頃

華本烈作勳寵作高
單作異

華本銘曰二字無天整
以下另行低一格生作先
世作三

華本朕作勝願云勝徐
本朕蓋是王封倒

作廷尉。惟刑之恤。旁施四方。惟明折獄。赦罪于憲之
中。亦惟三禮六樂。國之元幹。命公作太常。明德惟馨。
八音克諧。神人以和。永世豐年。溥天率土。而衆莫外。
命公作司空。公唯戢之。翊明其政。時惟休哉。惟天陰
鳴下民。彝倫所由。順序命公作司徒。而敬敷五教。以
親百姓。父義母慈。兄友弟恭。子孝。時惟休哉。昭孝於
辟雍。命公作三老。帝躬以祗敬。遵有虞於上。庠茫茫
大運。垂光烈曜。命公作太尉。璇璣運周。七精循軌。時
惟休哉。帝欲宣力于四方。公則翼之。辟道或違。公則

彌之。虔恭夙夜。不敢荒寧。用對揚天子。丕顯休命。天
子大簡其勳。用授爵賜。封侯于臨晉。功成化洽。景命
有傾。帝乃震慟。執書以泣。命于左中郎將郭儀。作策
賜公驃騎將軍。臨晉侯。印綬兼號。特進。諡以文烈。寵
命畢備。而後卽世。肆其孤彪。敢儀古式。昭銘景烈。銘
曰。天鑒有漢。誕生元輔。世作世事。勳在王府。乃及伊
公。克光前矩。悉心畢力。胤其祖武。化洽羣心。澤漫綿
宇。帝曰。文烈。朕嘉君功。爲邑河渭。建茲土封。申備九
錫。以祚其庸。位此特進。于異羣公。昔在申呂。匡佐周

華本熙作勳願云勳徐本熙蓋是

華本文上有安樂鄉三字

華本畢作必鈔本畢願云必畢同字不誤

華本生上有自字兼作是

華本除下無郎字

華本忠作中智略二字無

華本勅字無鈔本有

願云農當作徒見本傳華本功字無

華本身字無俾位作和立

鈔本無太常字願云本傳有太常無太僕當

宣。崧。高。作。頌。大。雅。揚。言。今。我。文。烈。帝。載。用。熙。參。光。日。月。比。功。四。時。身。歿。名。存。永。世。慕。思。

太傅文恭侯胡公碑

公諱廣字伯始。交趾都尉之元子也。公應天淑靈履性貞固。九德咸修。百行畢備。遭家不造。童而夙孤。上奉繼親。下慈弱弟。崎嶇儉約之中。以盡孝友之道。及至入學。從訓。歷觀古今。生而知之。聞一觀十。兼以周覽六經。博總羣議。旁貫憲法。通識國典。年二十七。察孝廉。除郎中尚書侍郎。尚書左丞。尚書僕射。幹練機

事。綢繆樞極。忠亮唯允。簡于帝心。智略周密。冠于庶事。遷濟陰太守。其為政也。寬裕足以容衆。和柔足以安物。剛毅足以威暴。體仁足以勸俗。故禁不用刑。勸不用賞。其下望之如日月。從之如影響。思不可忘。度不可革。遺愛結於人心。超無窮而垂則。徵拜大司農。遂作司農。遷太尉。以援立之功。封安樂鄉侯。錄尚書事。稱疾屢辭。策賜就第。復拜司空。功成身退。俾位特進。又拜太尉。復以特進致命休神。又拜太尉。遜位歸爵。旋于舊土。徵拜太中大夫。尚書令。太僕。太常。司徒。

兩有本傳凡一履司空
再作司徒三登太尉又

為太傅
顧云入當作八

華本神人作人事

徐平訓作訊顧云訓五品
者今文尚書也後碑訓五
品於序黎亦其證

華本表作表鈔本差

表作者差

顧云本傳嘉平元年薨

靈帝紀春三月壬戌太傅

胡廣薨夏五月己巳大

赦天下改元熹平此碑

據未改元本傳據改元
即一年也

華本公作父

華本於皇以下另行低
一格

華本贊作尚

華本虞作魚顧云徐本虞
蓋是後碑云云虞龍而
納言

華本治作登變作變

華本藩作蕃祐作祐

永康之初以定策元功復封前邑錄尚書事疾病就
第又授太傅入參機衡五蹈九列七統三事諒闇之
際三據冢宰和神人於宗伯理水土於下台訓五品
於司徒耀三辰于上階光弼六世歷載三十自漢興
以來鼎臣元輔耄耋老成勲被萬方與祿終始未有
若公者焉春秋入十二建寧五年三月壬戌薨于位
天子悼惜羣后傷懷詔五官中郎將任崇奉冊贈以
太傅安樂鄉侯印綬拜室家子一人郎中賜東園秘
器賜絲帛含斂之備中謁者董詔弔祠護喪錢布賻

華本功作公

華本徒字無

華本傷作
同

賜率禮有加賜諡曰文恭昭顯行迹四月丁酉葬于
洛陽塋故吏濟陰池喜感公之義率慕黃鳥之哀推
尋雅意彷徨舊土休績丕烈宜宣于此乃樹石作頌
用揚德音詞曰於皇上德懿鑠孔純大孝昭備思順
履信膺期命世保茲舊門淵泉休茂彪炳其文爰贊
天機翼翼唯恭恭夙夜出納紹跡虞龍賦政于外神化
玄通普被汝南越用熙雍帝曰休哉命公三事乃耀
柔嘉式是自司股肱元首庶績咸治二氣燮雍五徵
來備勳格皇天澤洽后土封建南藩受茲介祐王藻

卷六

八

華本彘作毫鈔本家祀作祠

華本太傅二字無

願云畢當作畢見皇后紀
嘉平中為議郎袁宏紀
亦作畢整華本曾作魯
殷作敷願云敷姓當是廣
韻元又姓謂作為

在冕。毳服。文輔。輅車。雕駟。四牡。修扈。贊事上帝。祇祀宗祖。陟降盈虧。與時消息。既明且哲。保身遺則。同軌且奭。光充區域。生榮死哀。流統罔極。

太傅胡公碑

維漢二十有一世。建寧五年春三月。既生魄八日壬戌。太傅安樂鄉侯胡公薨。越若來四月辛酉。葬我君文恭侯。於是掾太原王允。鴈門畢整。屬扶風曾宙。潁川殷歷。等僉謂公之德也。柔而不犯。威而不猛。文而不華。實而不朴。靜而不滯。動而不躁。總天地之中和。

鈔本膚作敷質字無

鈔本探作闕子作氏

華本人作仁鈔本人

華本能使作使人惑作
咸析作折折下有懷勞
二字情字作者能夫三字
基下有即位二字

華本之下有之字鈔本
之作贊

華本同作可

華本公作工願云命當作
念帥物作師不願云師不
當作帥下

覽生民之上操。聰明膚敏。兼質先覺。涉觀憲法。契關文學。睹臯陶之闡闡。探孔子之房輿。然而約之以禮。守之以恭。寬之以納。衆汎愛多容。其誘人也恂恂焉。怡怡焉。能使蒙惑開析。偽戾優順。逸惰勤信。及其創基。發跡機密。聖朝其知其能。夙夜惟寅。以允帝命。是以頻繁機極。三升而不出焉。乃還譚其舊章。彌綸古訓。貫萬品。研精微。用補前臣之所闕。十年而無愆。強記同乎富平。周慎逸於博士。偶山甫乎喉舌。死虞龍而納言。唯帝命公以二郡。其為政也。導人以德。帥物

華本天作夫

華本勉作兢纏作墨

華本治作之蕃作繁

華本協作叶

鈔本德作主

華本中作冲號作域

以已敦以忠肅勵以知耻人悅其化天樂其和士相
勉於公朝民勸行於私家微纏縈而靡係鞭朴棄而
無加洋洋乎若德宣治嚴以為威寬以為福而已哉
五作卿士七蹈相位太僕司農太傅司空各一司徒
特進各二太常太尉各三光輔六世歷載三十有餘
其致治也通水泉於潤下蕃后土於稼穡訓五品於
羣黎崇人物於區域耀三辰於渾元協大中於皇極
傳聖德於幼冲率且直於舊職譬彼四時功成則退
在盈思中升降以順建封域於南土踐殊號於特進

顧天括當作

鈔本策勲作輔世

華本可作不疾作室

華本筵作延願言當
作筵虛句見九卷

華本堂廡音儀作俯
廊然鈔本作進退願

俯廓然永闕

華本其詞曰三字無煥
文以下另行低一格願云
朝當作胡華本庶作主
淳作淳不朽作不矩
願云不當作至

榮祚統業垂乎來胤公自二郡及登相位凡所辟用
遂至大位者故司徒中山祝括其餘登堂閣據賦政
策勲樹功流化者蓋不可勝載唯我末臣頑救無聞
仰慕羣賢惡乎可及自公寢疾至于薨斃參與嘗禱
列位喪位雖庶物戮力不愆于禮進睹墳塋几筵靈
設退顧堂廡音儀永闕感悼傷懷心肝若割相與累
次德行撰舉功勲刊之于碑用慰哀思其詞曰煥文
德伊朝后應期運作漢輔喜中興膏民庶澤洪淳亶
攸序亘地區充天宇轉高逵踵遐武揚景烈垂不朽

華本遂作遂鈔本遂

仰邃古耀昆後

胡公碑銘

公諱廣字伯始南郡華容人也其先自媯姓建國南
土曰胡子春秋書焉列于諸侯公其後也考以德行
純懿官至交趾都尉公寬裕仁愛覆載博大研道知
幾窮理盡性凡聖哲之遺教文武之未墜南有不綜
年二十七察孝廉除郎中尚書侍郎左丞尚書僕射
內正機衡允釐其職文敏暢乎庶事密靜周乎樞機
帝用嘉之遷濟陰太守公乃布愷悌宣柔嘉通神化

華本幾作機

華本射下有令字鈔
本枝去

華本公作尔

華本揚上有拂字

華本鞠推作鞭朴

顧云種當作糧李善注
魏都賦引

華本淵作湍鈔本淵石
作右鈔本石

華本數作如

道靈和揚惠風以養真激清流以盪邪取忠肅於不
言消奸宄於爪牙是以君子勤禮小人知耻鞠推息
於官曹刑戮廢於朝市餘貨委於路衢餘種棲于畝
畝遷汝南太守增修前業考績既明入作司農實掌
金穀之淵藪和均關石王府以充遂作司徒昭敷五
教進作太尉宣暢渾元人倫輯睦日月重光遭國不
造帝祚無主援立孝桓以紹宗緒用首謀定策封安
樂鄉侯戶邑之數加于羣公入錄機事聽納總已致
位就第復拜司空敷土導川俾順其性功遂身退告

願云延和未詳仍當作延熹

華本斃作薨

華本副作訓

疾固辭乃為特進爰以休息又拜太常典司三禮敬
恭禋祀神明嘉歆永世豐年聿懷多福復拜太尉尋
申前業又以特進逍遙致位又拜太常遭疾不夷遜
位歸爵遷於舊都徵拜太中大夫延和末年聖主革
正幸臣誅斃引公為尚書令以二千石居官委以闡
外之事釐改度量以新國家弘綱既整衮闕以補乃
拜太僕車正馬閑六駟習馴遷太常司徒成宗晏駕
推建聖嗣復封故邑與參機密寢疾告退復拜太傅
錄尚書事于時春秋高矣繼親在堂朝夕定省不違

華本越作迨

華本下作不厚字無願云謙尊是也

華本萊作業

華本台作白禮作牆

華本也字無

華本十作七業作世王亦作世鈔本皇世作極

華本丕作無人字無

華本賜誅作遂誅願前傳者前太傅也不誤

子道旁無几杖言不稱老居喪致哀率禮不越其接
下荅賓雖幼賤降等禮從謙厚尊而彌恭勞思萬機
身勤心苦雖老萊子嬰兒其服方叔克壯其猷公旦
納于台屋正考父俯而循禮曷以尚茲夫蒸蒸至孝
德本也體和履忠行極也博聞周覽上通也勤勞王
家茂功也用能十登三事篤受介祉亮皇業於六王
嘉丕績於九有窮生人之光寵享黃耇之遐紀蹈明
德以保身與福祿乎終始年八十有二建寧五年春
壬戌薨于位天子悼痛贈策賜諡曰文恭如前傳

華本伊漢以下另行低一格
痺作辛願云辛當作平此用尚今文尚書
思心曰容也
鈔本序作敘華本共作且

華本倫作淪

華本題無胡字

之儀而有加焉。禮也。故吏司徒許詡等相與欽慕。崧高蒸民之作。取言時計功之則。論集行跡。銘諸琬琰。其詞曰。伊漢元輔。時惟文恭。聰明獻哲。思心瘁容。畢力天機。帝休其庸。賦政于外。有邈其蹤。進作卿士。粵登上公。百揆時序。五典克從。萬邦黎獻。共唯時雍。勲烈既建。爵土乃封。七被三事。再作特進。弘唯幼沖。作傳以訓。赫赫猗公。邦家之鎮。澤被華夏。遺愛不倫。日與月與。齊光並運。存榮亡顯。沒而不泯。

胡太傅祠前銘

華本在初作初在機密不重願云機密徐本更有蓋是鈔本序作敘華本帝作八

華本紹作昭

華本得作伊君作尹

華本碑作碑

天鑒有漢。山嶽降靈。於肅文恭。應期誕生。好是懿德。柔惠且貞。爰在初服。皇嘉其聲。納于機密。機密惟清。守于三邦。三邦事寧。越尹三卿。百揆時序。七受帝命。作此元輔。左右六世。靖綏土宇。蠢彼羣生。保賴亶敘。紹跡龍夷。繼軌山甫。遭國不造。仍世短祚。援立聖嗣。得公之謨。帝曰文恭。朕嘉君功。為邑安樂。以祐其庸。登位特進。于異羣公。休命丕顯。光寵克章。公拜稽首。是對是揚。藹藹惟公。民斯攸望。春秋既暮。倏爾乃喪。不憖是遺。俾屏於皇。新廟奕奕。于以蒸嘗。子子孫孫。

承嗣無疆

胡廣黃瓊頌

巖巖山嶽配天作輔降神有周生申及甫允茲漢室
誕育二后曰胡曰黃方軌齊武惟道之淵惟德之藪
股肱元首代作心膂天生蒸人有則有類我胡我黃
鍾厥純懿巍巍特進仍踐其位赫赫三事七佩其紱
奕奕四牡沃若六轡袞職龍章其文其蔚參曜乾台
窮寵極貴功加八荒羣生以遂超哉邈乎莫與為二

司空楊公碑

華本公作秉

華本叔節作節叔顧本
傳秉字叔節華本下
有也字室作家

華本喜作意抄本作意

華本考作考

華本夙作風歐陽尚書
作尚書歐陽京氏易作某
京氏顧云某當作易鈔空
為是活版翻補轉誤矣又
云本傳查明京氏易

華本乃上有尔字

公諱秉字叔節弘農華陰人其先蓋周武王之穆晉
唐叔之后也末葉以支子食邑于楊因氏焉周室既
微裔胄無緒暨漢興烈祖楊喜佐命征伐封赤泉侯
嗣子業綬冕相繼公之不考以忠蹇亮弼輔孝安登
司徒太尉公承夙緒世篤儒教以歐陽尚書京氏易
誨授四方學者自遠而至蓋踰三千初辟司空舉高
第拜侍御史遷豫州兗州刺史任城相徵入勸講拜
太中大夫左中郎將尚書出補右扶風留拜光祿大
夫遭權嬖貴盛六年守靜外戚火燔乃遷太僕太卿

抄本某字
華本高字
無

華本豪字無

華本疾廢作曾靡抄本
曾作育枝骨願之曾非骨
是三作上虛冗作海內

華本碩字無大目作人因察
作有願云此處誤脫未詳

華本以字無抄本怒作怒

華本黜作絀

華本月丙作丙月

華本公字無敕作勅

華本絀作疾疾作唯蓋字
無

華本直作疾枉二字

華本嘗作有免作克

華本樹字無

華本至作精氣字無

華本惑作或乞作迄

公事絀位。浹辰之間。俾位河南。憤疾豪強。見邁姦黨。
用嬰疾廢。起家復拜太常。遂陟三司。沙汰虛冗。料簡
貞實。抽援表達。與之同蘭芳。任鼎重。從駕南巡。為朝
碩德。然知權過於寵。私富侔國。大臣苛察。望變復還。
條表以聞。啓導上怒。其時所免州牧郡守五十餘人。
饜戾是黜。英才是列。善否有章。京夏清肅。在位七載。
年七十有四。延熹八年五月丙戌薨。朝廷惜焉。寵賜
有加。公自奉嚴敕。動遵禮度。量材授任。當官而行。不
為義絀。疾是苛政。益固其守。厨無宿肉。器不鏤雕。夙

喪。嬪儷妾不嬖御。可謂立身無過之地。正直清儉。該
備者矣。昔仲尼嘗垂三戒。而公免焉。故能匡朝盡直。
獻可去奸。忠侔前後。聲塞宇宙。非黃中純白。窮達一
致。其惡能立功立事。敷聞于下。昭升于上。若茲巍巍
者乎。於是門人學徒。相與刊石樹碑。表勒鴻勳。讚懿
德。傳億年。於戲公。唯嶽靈天挺。德翼至神。氣綱縕仁。
哲生。應台任作邦楨。帝欽亮訪典刑。道不惑乞有成。
光遐邇。穆其清。

司空臨晉侯楊公碑

鈔本桓桓疑衍

華本以作已

華本以作已

華本羅作離痔下有辛整二字

華本款作謙遠作定願云定當作足

華本艱字無特作特

華本競則下有競字合字無競作競鈔本作競願云

競字是無競伊人即無競維人抑伊維也又見後陳留太守胡公碑

華本車作事

華本覺作塵

華本脫作倪以作亦

華本危作詭計作既不取三字

華本誠字無

華本上作口者作諸案作以責

皇帝遣中謁者陳遂侍御史馬助持節送柩陳遵桓
典蘭臺令史十人將羽林騎鉦車介士前後鼓吹以
驃騎將軍官屬及司空法駕與公卿尚書三臺以下
葬我文烈侯三年九月甲申小祥會如初四年九月
戊申大祥公卿尚書三臺以下會如小祥之禮公之
祖納忠於前朝以罹艱禍父隱約蟄瘁治家師導唯
儉之尚公生值歟禍資賄屢空手執勤役遠涉道里
以修經術險阻艱難曷所不嘗特以其靜則貞一審
固動則不違則度含容覆載無競伊人謀無不忠言

無不信自在弱冠布衣之中固已流芳名著茂實公
孫同倫莫能齊焉者矣州郡禮招莫之能屈交百里
位辟公車令自侍御史侍中已往道為帝師德為世
表體尊名重階級彌崇而公處以恭遜行以固慎德
大而心小居高而志降夫驕吝之釁周公其猶病諸
而公脫然以為行首不以泰乎及其所以匡輔本朝
忠言嘉謀造膝危辭當事而行言從計納亦不敢宣
密誠潛功貽于帝躬家無遺草論者不見嗟乎誠為
達事君之體得人臣之上儀者已公素不貴歸非不

華本已作以著字無

華本各下有君字顧云本傳蓋各之也無此字為是

華本願作頓

華本所作而銘曰三字無赫以下另行低一格

華本誨作海

華本蟲作蚌以作有

華本侯作候鈔本侯


華本億作憶鈔本億

華本用作以

樂引笑。夫故雖彷彿。猶不敢載。以順公之雅。初受封。自以功不勳。賞前後固辭。章凡十上。憂愠悄悄。形于容色。雖不克從。情旨昭顯。晚節為廷尉。公曰。昔在三后成功。惟殷于民。而臯陶不與焉。蓋吝之也。及為特進。又曰。唯漢重臣。中興以來。克稱斯位者。其唯高密元侯乎。吾何德以堪。諸寢疾。顧命無辭。要言約戒。忠儉而已。孤彪銜恤。永思綴輯。所履以贊。銘之。銘曰。赫赫烈侯。卓爾超倫。於唯楊公。乃華降神。故能明哲。德亞聖人。受茲介福。位極人臣。包羅五典。本道根真。為國

之師。誨上經文。頻歷鄉校。五登鼎鉉。建名著忠。確越前賢。攘災興化。蟲音謀食。蟹音賊食。禾苗。蟹節。虫也。不臻風雨。以時屢獲。有年三葉。宰相應祚于天。臨晉是侯。子子孫孫。億兆不窮。如山之堅。四時潔祀。以承所尊。祀事孔明。奉亡如存。馥馥芬芬。用慰顯魂。





蔡中郎集卷第七

漢 陳留蔡邕著

明新安汪士賢校

太尉汝南李公碑

公諱咸字元卓汝南西平人蓋秦將李信之後孝武
大將軍廣之胄也枝流葉布家于茲土文武繼踵世
爲著姓曾祖父江夏太守伯父東郡太守公受純懿
之資萃忠清之節夙夜嚴慄孝配大舜敦詩書而悅
禮樂觀天文而察地理動與神合契抗流行操邁伯

夷德追孔父舉孝廉除郎中光祿茂才遷衛國公相
受高密令勤恤民隱政成功簡遷徐州刺史百司震
肅饗餐風靡惡直醜正恭事法官帝念其勤屢被榮
命漁陽太守還遷度遼將軍協德魏降和戎綏邊徵
河南尹毋憂乞行服闋奔命孝和皇帝時機密久缺
百僚僉允詔拜尚書歷僕射令納言危行不絀以公
事去民神憤怒群公薦之帝曰俞哉徵拜將作大匠
大司農大鴻臚大僕射公所蒞任憲天心以教育激
垢濁以揚清懿鑠之美昭登于上不顯之化宜聞于

下及遷台司位太尉補袞闕叙彝倫天人交格終始
無疵雖元凱翼虞周召輔姬未之或踰功遂身退以
疾自遜求歸田里告老致仕七十有六嘉平四年薨
海內咨嗟莫不惻焉故吏潁川太守張溫等相與嘆
曰名莫隆於不朽德莫盛於萬世銘勒顯于鍾鼎清
烈光于來裔刊石立碑德載不泯詞曰天垂三台地
建五岳降生我哲應鼎之足奕世載德名昭圖錄旣
文且武桓桓紹續外則折衝內則大麓惟清惟敏品
物以熙告老懸車天人靡欺曾不百齡圯我國基人

之云亡八極悼思申德作頌光寵宣流鐫紀斯石鴻烈顯休

劉鎮南碑

君諱表字景升山陽高平人也君應期挺生瑰偉大度黃中通理博物多識為郡功曹千里稱平上計吏辟大將軍府遷北軍中侯在位十旬以賢能特選拜刺史荆州永平元年十一月到官清風先驅莫不震肅奸宄音鬼奸改節不仁引頸君乃頒愷悌流惠和慕唐叔之野棠思王遵之驅印賦政造次德化宣行

華本應作膺挺作誕

鈔本侯作候

荆作柱華本鈔本作柱

華本永平作永漢顧云本

傳初平元年據詔以表為

荆州刺史獻帝紀九月改

昭寧為永漢十二月詔除光

熹昭寧永漢三號還復中

平六年紀案庚午在己巳

華本完作仇

華本育作諸鈔本作烏

華本爰作援

華本即作因綏作綏鈔本綏綏

華本爰字無

俄而漢室大亂禍起蕭牆賊臣專政豪雄虎爭縣邑問里奸宄煙發州縣殘破天下土崩四海大壞當是時也雖有孔翟之聖賢育賁之勇勢無所措其智力君遇險而建略遭難而發權招命英俊爰得驍雄謀臣武將合策明計出次北境遷屯漢陰因滄浪以為隍即春葉以為墉南撫衡陽東綏淄沂西靖巫山保又四疆選才任良式序賢能簡將命卒棊布星陳備要塞之處戍八方之邊勸穡務農以田以漁稔粟紅腐年穀豐夥江湖之中無劫掠之寇沅湘之間無攘

之驅印策

華本君作尔
領作班悌作
慕下有那
字印上青葉
字願云當云
慕邵伯之舍
野棠思王遵

華本皆如創其字無常

華本利作判

華本州作拜鈔本收下有伯字

華本水潦二字無

華本授主下有併疾成武四字願云成武最是疾當作炭本傳催以表為鎮南將軍荆州牧封成武侯假節

華本上作將

華本授作援鈔本授

華本靡作雍

華本民字無祿學作祿

華本無異作篋如實作直願云直當作真

竊之民郡守令長冠帶章服府寺亭鄉崇棟高門皆如其舊當世知名輻輳而至四方襁負自遠若歸窮山幽谷於是為邦百工集趣機巧萬端器械變通利民無窮隣邦懷慕交揚益州盡遣驛使冠蓋相望下民有康哉之歌群后有歸功之緒莫匪嘉績克厭帝心即遷州牧又遷安南將軍領州如故于時諸州或失土流播或水潦沒害人民死喪百遺二三而君保完萬里至于滄海聖朝欽亮析圭授土遣御史中丞鍾繇即拜鎮南將軍錫鼓吹大車策命褒崇謂之伯

父置長史司馬從事中郎開府辟召儀如三公上復遣左中郎將祝耽授節以增威重并督交揚二州委以東南惟君所裁雖周召授分陝之任不遠過也交州殊遠王塗未夷夷民歸附大小受命其郡縣長吏有缺皆來請之君權為選置以安荒裔輒別上聞齊桓遷邢封衛之義也武功既亢廣開靡泮設俎豆陳壘爨親行鄉射躋彼公堂篤志好學吏民子弟受學之徒蓋以千計洪生巨儒朝夕講誨閭閻如也雖洙泗之間學者所集方之無異也深愍末學遠本離實

華本煩重下有替之者用
曰少而探微知機者十二字
徐本曰作力者下又有多字

華本連作遷願云當作連

華本教字無鈔本世教作

歷世華本剛作剛鈔本剛

華本其字無鈔本有

華本滋作茲

華本期作胡

願云墳當作殯

華本歸葬倒

華本陽作鄉鄉作陽

華本者下有自字

華本子字無疏作共請
字無

華本忻洽作新淪下有休
伐二字咸字無韓作朝

華本寫作寫之字無

華本州作川歷字無

鈔本川作州願云牧州二
紀衍牧下二字

華本將歟下另行低一格
生作直

華本北作此鈔本北

乃令諸儒改定五經章句刪刻音產浮辭音衫芟音也

除煩重又求遺書寫還新者留其故本於是古典畢

集充于州問及延見武將文吏教令溫雅禮接優隆

言不及軍旅之事辭不逮官曹之文上論三墳八索

之典下陳世教忠義之方內剛如秋霜外柔如春陽

不伐其善不有其庸如彼川流每往滋通可謂道理

不才命世希有者已仁者壽宜享期耆昊天不弔年

六十有七建安十三年八月遘疾殞薨耕夫罷耜織

女投杼老幼哀號若喪父母時道路艱險留墳州土

轉移歸葬父勉其子妻勉其夫欲共扶送至于鄉里

南陽太守樂鄉亭侯旻思等言及志在州里者各發

卒具送靈柩之資子授徵拜五官中郎將乃疏上請

歸本縣葬見聽許太和二年葬於先塋於是臣故忻

洽咸以為申伯韓侯之翼周室受輅車乘馬玄裘赤

鳥之賜詩人詠功列于大雅至今不朽况乎將軍牧

二州歷二紀功載王府賜命優備賴而生者毓子孕

孫能不歌嘆乃作頌曰猗歟將軍膺期挺生桓桓其

武溫溫其仁初幹千里允顯使臣幕府禮命集于北

武溫溫其仁初幹千里允顯使臣幕府禮命集于北

華本單字
無充于作
必舊

華本之作祖

華本積作報願云此句當叶韻似宜作根記商

華本墓作之

華本忠文誤倒文忠

華本之誤口

華本于作子抄本于

華本歌惟以下另行低一格

華本難作改願云改當作改華本翼作之

軍督齊禁旅如熊如能眷然南顧綏我荆衡將軍之
來民安物豐江湖交壤刑清國興殺芾甘棠召伯聽
訟周人勿刻我賴其積欲報之德胡不億年如何殂
逝孤棄萬民鐫勒墓石以紀洪勲昭示來世垂芳後
昆

朱公叔墳前石碑

維漢二十一世延熹六年粵四月丁巳忠文公益州
太守朱君名穆字公叔卒于京師其五月丙申葬于
宛邑北萬歲亭之陽舊兆域之南其孤野受顧命曰

古者不崇墳不封墓祭服雖三年無不於寢今則易
之吾不取也爾其無拘于俗無廢予誠野欽率遺意
不敢有違封墳三板不起棟宇乃作祠堂于邑中南
舊陽里備器鑄鼎銘功載德懼墳封彌久夷于平壤
於是依德像緣雅則設茲方石鎮表靈域用慰其孤
罔極之懷乃申詞曰歆惟忠文時惟朱父實天生德
丕承洪緒彌綸典術允迪聖矩好是貞厲疾彼強禦
斷剛若仇柔亦不茹仍用明夷遘難受侮帝曰休哉
朕嘉乃功命汝納言胤汝祖蹤父拜稽首翼翼惟恭

華本篤集作謂督殘
作篤

篤集不忘夙夜在公。昊天不弔，降茲殘殃。不遺一父，
俾屏我皇。我皇悼心，錫詔孔傷。位以益州，贈之服章。
用刊彝器，宣昭遺光。子子孫孫，永載寶藏。

朱公叔鼎銘

忠文朱公名穆，字公叔，有殷之胄。微子啓以帝乙元
子，周武王封諸宋，以奉成湯之祀。至元子啓生公子
朱，其孫氏焉。後自沛遷于南陽之宛，遂大於宋。爵位
相襲，烈祖尚書令，肅宗之世守于臨淮。考曰實為陳
留太守，乃及忠文克慎明德，以紹服祖禰之遺風。悉

華本於字無

華本曰下有先生二字願
云曰字當作貞宣先生四字
華本紹服作服享

華本疾作病作疾

華本郎下有豐令字
念字空
華本陳作諫驗作享

華本疾字脫辭為辟

華本肯作不

華本時作是

心臣事用媚天子，顯允其動蹟。尋綜六藝，契濶馳思。
所以啓前惑而覺後疑者，匪疊焉。雖商偃其猶，病諸
初舉孝廉，除郎中尚書侍郎，獨念運際存亡之要，乃
陳五事，諫謀深切。退處畎畝，以察天象，驗應著焉。孝
順晏駕，賊發江淮。時辟大將軍府，實掌其事。用拜宛
陵令，非其好也。遂以疾辭，復辟大將軍，再拜博士。高
第作侍御史，明司國憲，以齊百僚。矯枉董直，罔肯阿
順，以黜其位。潛于郎中，群公並表，乃遷議郎，登于東
觀。纂業前史，於時冀州凶荒，年饑民匱，而貪婪之徒

華本抄本隅字並空

華本除字作囚人獸增主
之六字無伴作相與惡作
匿抄本增作曾華本于
作我願言囚人當作囚之
增當作憎惡囚之獸憎
主之盜者用獸惡其囚
盜憎主入也又云本傳由
是內官咸共患疾諱語
煩興諱隱仍作極其刑
謹輸作左枝振聲按集
前語託文痛惡也引春秋
傳民無怨讟而無讟字
疑即諱之諱又按李傳
謹作適願云權當作灌

華本鼎下有而字休語
體抄本作休

乘之為虐。錫命作牧。靜其方隅。乃攄洪化。奮靈武。昭
令德。塞群違。貞良者封植。殘戾者芟夷。去惡除盜。無
俾比而作慝。用陷于非辜。復徵拜議郎。病免官。徵拜
尚書。清一以考其素。正直以醇其德。出納帝命。乃無
不允。雖龍作納言。山甫喉舌。靡以尚之。享年六十有
四。漢皇二十一世。延熹六年夏四月乙巳。卒于官。天
子痛悼。詔曰。尚書朱穆。立節忠亮。世篤爾行。虔恪機
任。守死善道。不幸而卒。朝廷憫焉。今使權謁者中郎
楊貴。贈穆益州刺史印綬。魂而有靈。嘉其寵榮。嗚呼

華本者字無

華本龍作龍
納言作齋果
之作書官作
宮抄本作官

華本尚上有
制詔二字
華本潤作潤

哀哉。肆其孤。用作茲寶。鼎銘載休功。俾後裔永用享
祀。以知其先之德。

陳留太守胡公碑

君諱碩。字季獻。交趾都尉之孫。太傅安鄉侯少子也。
其先與楚同姓。別封于胡。以國為氏。臻乎漢奕世。載
德不替。舊勳君幼有嘉表。克岐克嶷。不見異物。習與
性成。孝于二親。養色寧意。蒸蒸雍雍。雖曾閔顏萊。無
以尚也。總角入學。治孟氏易。歐陽尚書。韓氏詩。博綜
古文。周覽篇籍。言語造次。必以經綸加之。行已忠儉。

事施順恕公體所安與衆共之驕吝不萌於內喜愠不形於外可謂無競伊人溫恭淑慎者也初以公在司徒除郎中宿衛十年遭叔父憂以疾自免州郡交辟皆不就後以大將軍高第拜侍御史遷諫議大夫以將軍事免官舉賢良方正不詣公車建寧元年召拜議郎納忠盡規匪懈于位遷侍中虎賁中郎將是年遭疾屢上印綬詔書聽許以侍中養疾其年七月被尚書召不任應命詔使謁者劉惺齎印綬卽拜陳留太守君聞使者至加朝服拖紳使者致詔君以手

自繫陳辭謝恩其明二十一日遣吏奉章報謝意氣精朗是日疾大漸刻漏未分奄忽而卒時年四十一天子憫悼詔使者王謙送葬以中宰具祠賜錢五萬布百疋贈穀三千斛同位畢至赴弔雲集生榮未艾沒有餘哀於是遐邇搢紳爰暨門人相與嘆述君德追痛不寘恒切情僚無不求懷行由已作名自人成先民旣邁賴茲頌聲嗟我明哲如何勿銘乃作辭曰猗歎懿德令聞有彰祗服其訓克構克堂孝思唯則文藝丕光敦厚忠恕衆悅其良綏弱以仁不云我強

爰自登朝進退以方見幾而作如鴻之翔乃位常伯
恪處左右兼掌虎賁禁戎允理邁茲虐痾帝用悼止
俾守陳留庶篤其祉王人旣詔景命不俟嗚呼昊天
殲我英士如何贖也命不自己哀哉永傷萬年是紀

太守胡公碑銘

君諱碩字季獻交趾都尉之孫太傅安樂侯之子也
順帝時爲郎中桓帝時遭叔父憂以疾自免荊州將
軍每辟輒辭疾後以高等拜侍御史遷諫議大夫舉
賢良方正病不詣公車建寧元年七月拜陳留太守

病加不任應召詔使謁者劉惔卽授印綬二十一日
卒詔遣使者王謙以中牢具祠特賜錢五萬布一百
疋贈穀三千斛儔類赴送遠近鱗集於時陳留主簿

高吉蔡軫

音枕車後橫木也

等咸以郡選克備官屬來迎者

三十四人奔驚跋涉願承清化逢天之戚不獲延祚
痛心絕望切怛永慕乃相與衰經庭位號咷靈柩將

窆

音便下棺也

申敕修儀歿在輿服察御部引各執其職

路人感愴觀者嘆息遂樹碑作銘以表令德於藐下
國瞻仰俊乂欽見我君爰綏我惠式昭績恩有勞其

華本公作朗

顧頌當作顛倉顛者蒼
帝靈威仰也春秋元命包曰
周蒼帝之子胡觀禮記
倉倉同字顛吳亦同字
又三鄭生民詩蒼帝上帝
也正義此上帝即蒼帝
靈威仰也與伯喈此語皆
本緯候又云尚書中候稷
起云蒼耀稷生感迹昌

引見詩生民正義振聲
按詩疏無尚書二字

華本討作該

頌云今文尚書作余耳元
和未詳

華本蹤作縱鈔本蹤

華本抑頌錯枉作柳規
枉措鈔本柳作柳華本
側作仄
華本平作深

粹昊天不弔景命顛墜悠悠蒸黎惆悵喪氣政雖未
宣古之遺愛祁祁我君習習冠蓋修誠以迓曾不東
邁靈魂徘徊靡所瞻逮惟其傷矣胸肝摧碎勒銘告
哀傳千萬代

琅琊王傅蔡公碑

君諱朗字仲明蓋倉頡音歇詩傳云飛而曰頡之精胤姬稷之
末胄也昔叔度文王之昭建侯于蔡以國氏焉迄于
平襄周祚微缺王室遂卑齊晉交爭強楚侵陵昭侯
徙于州來公族分遷氏家于圍奕葉載德常歷官尹

華本之字無

華本官作官

以逮于茲君雅操明允威厲不猛履孝悌之性懷文
藝之才包洞典籍刊摘沉秘知幾達要通含神契既
討三五之術又采二南之業以魯詩教授生徒雲集
莫不自遠並至栖遲不易其志簞食曲肱不改其樂
心棲清虛之域行在玉石之間是以德行儒林智周
當代四岳稱名帝曰予聞元和元年徵拜博士舒演
奧秘贊理闕文所立卓爾度躡雲蹤其選士也抑頌
錯枉進聖擢偉極遺逸於九臯揚明德於側陋拔茅
以彙幽滯用濟加以清敏廣平好是正直規誨之策

華本逮作建

華本日作曰華本藩作審
願云審徐本藩蓋是願中
作蕃曹字無

華本若下有道字

華本王字無乃作及經下有行字

華本其作乃之作方

華本簡作簡

華本于字賦字並無

願云桓帝紀永興盡二年
癸巳甲午此必誤嗚呼下
另行低一格含涕二字空

華本綜作統

華本大藩作二蕃行作
幸鈔本行

華本朗作廟

願云德未詳

華本鈞作均

日諫王庭忠讜著烈令聞流行聖朝以藩國貴胄先
帝遺體或以繼絕襲位正於阿保未洽雅訓驕盈僭
差或蹈憲理非弘直碩儒莫能匡弼蔡君審行修德
進退可度遷河間中尉琅琊王傅乃從經術之方示
以斐譔之威率禮莫違其國用靖雖安國之輔梁孝
仲舒之相江都靡以加焉勳績既盛帝簡其功將授
上位遷于紫宮賦壽不永邁此疾凶年五十八永興
六年夏卒嗚呼哀哉凡百君子浴痛罔極殷懷傷悼
含涕流惻如何昊天喪我師則爰勒新銘式昭其德

天敏明哲於赫我君含弘光大玄覽孔真潛樂教思
韞王衡門雲龍感應養徒三千珠藏外耀鶴鳴聞天
若時徵庸登祚王臣綜彼前疑定此典文叅佐七德
俾相大藩身沒稱顯永遺令勳表行揚名垂示後昆

汝南周巨勝碑

君諱勰字巨勝陳留太守之孫光祿勳之子也君應
坤乾之淳靈繼命世之期運玄懿清朗貞厲精粹體
仁足以長人嘉德足以合禮總六經之要括河洛之
機援天心以立鈞贊幽明以揆時沉靜微密淪於無

華本巨細洪三字作一

抄本材優作才俊

華本亦作以辟作羣抄本
同此華本卒上有而字

華本群作辟

再辟下抄本有司空三字
顧云司空當有本傳不載
華本孝廉作才囊貴令四

字
華本命字無察作效

華本娛作醇

華本幾作機

華本觀作覩顧云本傳

云蔡邕以為知命指此

抄本末上有曾字

華本明作民抄本秀下
有者字

內寬裕弘博含乎無外巨細洪纖罔不總也是以實
繁於華德盈乎譽初以父任拜郎中疾去官察孝廉
是時郡守梁氏外戚貴寵非其好也遂以病辭太守
復察孝廉乃俯而就之以明可否然猶私存衡門講
誨之樂不屑已也又委之而旋故大將軍梁冀專國
作威海內從風世之雄材優逸之徒莫不委質從命
而顛覆者蓋亦多矣聞君洪名前後三辟卒不降身
由是搢紳歸高群公事德太尉司徒再辟三辟察賢
良方正州舉孝廉皆病不就擾攘之際災青仍發聖

上詢諮師錫策命公車特徵君仰瞻天象俯察人事
世路多險進非其時乃托疾杜門靜居里巷無人跡
外庭生蓬蒿如此者十餘年強禦不能奪其守王爵
不能滑其慮至延熹二年乃更闢門延賓享宴娛樂
及秋而梁氏誅滅十二月君卒然則識幾知命可觀
於斯矣洋洋乎若德雖崇山千仞重淵百尺未足以
喻其高究其深也夫三精垂耀處者有表爰在上世
作者七人焉有該百行備九德齊光日月洞靈神明
如君之至者與實所謂天明之秀也享年五十不登

卷七

十三

抄本考作者顧云考當
作者鈔者六誤華本
矣作失
華本厥初以下另行低格
抄本龐作龐
華本惟作茲下作丁貽
作始命作令煥作與

期考遐邇歎悼痛心矢圖乃相與建碑勒銘以旌休
美其辭曰厥初生民天賜之性有龐有醇有否有聖
伊惟周君允卜其政誕茲明德自貽哲命煥乎其文
如星之布確乎不拔如山之固追踪先緒應期作度
潛心大猷覃思德謨遁世無悶屢辭王寮洋洋泌丘
于以逍遙茂爾童蒙是訓是教瞻彼榮寵譬諸雲霄
優哉游哉侔此弘高名振華夏光耀昆苗清風丕揚
德音孔昭

彭城姜伯淮碑

先生諱肱字伯淮彭城廣人也其先出自帝胤音在

皇唐蓋與四岳共業能禮於神舜命秩宗爰封于呂

其裔呂望佐周克殷俾侯齊國姓有姜氏即其後也

高祖祖父皆豫章太守穎陰令先生既蹈先世之純

德體英妙之高姿立性純固百行修備故其平生所

能事親惟孝如大舜五十而慕友于兄弟有棠棣之

華萼韡音葦花之度體惠理和有上德之素安靜守

約恩及嬰兒至操動信邑中化之外戶不閉治藏無

隱及其學而知之者三墳五典八索九丘俯仰占候

抄本廣下有字惠校補減
願補成云本傳注云廣戚故
城今徐州沛縣東振聲按
本傳及後漢志並作戚無作
減者惠校不知何據
華本克作剋

華本蹈作踏世字無

華本英字無修作循故
作但

華本孝下有友字

華本恩作有兒下有恬蕩
之固四字惠校操作德信
治俗文選卅六華本治作

華本共作其
抄本葉有
百夷當有百
伯同字
華本呂作宮
徐不同此

華本入作而顧本傳三
千餘人

抄本振作震華本世作
口抄本同此華本特字

無抄本作降
華本捷作捷願云本傳乃
白微眩為太守疑有誤

當脫捷字
惠校案石碑六非建安顧云
建安大誤本傳年二十七喜平

二年終于家弟子陳留劉操
追慕眩德共刊石頌之文中
屠蟠與眩同傳未見弟子
之文疑亦有誤華本遊字無
懼作惟感作咸倫作論盛

字無

華本燁其譽三字空有
煥其作其與有

華本並字空加辟命作
十貢令

抄本策作榮華本避作
辟

華本悼作綽抄本同此
永求

華本勒作勤遠作而
華本范上有陳留二字

推步陰陽有名物定事之能獨見先覩之効然猶學
而不厭誨人不倦童冠自遠方而集者蓋千餘人夫
水盈而流德交而形是故德行外著洪聲遠布華夏
同稱名振當世凡十辟公府九舉賢良方正公車特
徵玄纁禮聘又家拜捷音堅為太守大中大夫先生
盤桓育德莫之肯就不隕獲於貧賤不充詘於富貴
拔乎其萃出乎其類生民之傑也年七十有七建安
二年四月辛巳卒於是從遊弟子陳留申屠蟠等悲
悼傷懷懼微言之欲絕感絕倫之盛事乃建碑於墓

甄述景行邈矣先生應天淑靈孝友是備上德是經
弘此文藝耽怡是寧恂恂善誘童冠來誠有燁其譽
有煥其聲顯顯羣公並加辟命赫赫聖皇仍獲其聘
委策避國守此玄靜綽乎其裕確乎其操疇昔洪崖
雙名並高嗟乎殞沒摺紳永悼依依我徒靡則靡効
勒銘金石彌遠益曜

貞節先生范史雲銘

先生諱丹字史雲陳留外黃人陶唐氏之後也其在
周室有士會者為晉大夫以受范邑遂以為氏漢文

華本惠下有及字熹字無
抄本有願云以字數計之抄
本亦當無熹字為是年當
作子上屬為向惠官至司農
延官至廷尉也華本其字無

華本仕作估

華本與字無

華本近止作訐正盡字無

景之際爰自南陽來家于成安生惠延熹二年官至
司農廷尉君則其後也君受天王性志高行潔在乎
幼弱固已藐然有烈節矣時人未之或知屈為縣吏
亟從仕進非其好也退不可得乃託死遁去親戚莫
知其謀遂隱竄山中涉五經覽書傳尤篤易與尚書
學立道通久而後歸遊集太學知人審友苟非其類
無所容納介操所在不顧貴賤其在鄉黨也事長惟
敬養稚惟愛言行舉動斯為楷式郡縣請召未嘗屈
節其有備禮招延虛已迓止亦為謀奏盡其忠直以

華本王作正

華本中有君字

華本闕作闕

華本多有傳字

華本負作傳

華本帶下有士字

華本准作離

華本償作賈

處士舉孝廉除郎中萊蕪長未出京師喪母行服故
事服闋音闕後還郎中君遂不從州郡之政凡其事
君過則弼之闕則補之通清夷之路塞邪枉之門舉
善不拘階次黜惡不畏強禦其事繁多不可詳載雅
性謙儉體勤能苦不樂假借與從事荷負徒行人不
堪勞君不勝其逸辟太尉府俄而冠帶或以群黨見
嫉時政用受禁錮君罹其罪閉門靜居九族中表莫
見其面晚節禁寬困於屢空而性多檢括不治產業
以為卜筮之術得因吉凶道治民情以受薄償且無

卷之七

七

華本皆不就三字無

時華本作門顧云門字是後門見荀子大略篇文見呂氏春秋長利韓非外儲說

抄本參作恭願云作誅疑亦誅行本傳云累行

論謚

華本於顯以下另行低一格

華本德作迪潤作園抄本同此

華本之作水抄本同此抄本下思作斯

華本聲休倒

咎累乃鬻卦于梁宋之域好事者覺之應時輒去禁
既蠲除太尉張公司徒崔公前後四辟皆不就仕不
為祿故不牽於位謀不苟合故特立於時是則君之
所以立節明行亦其所以後時失途也年七十有四
中平二年四月卒太尉張公兖州劉君陳留太守淳
于君外黃令劉君僉有休命使諸儒恭按典禮作誄
著謚曰貞節先生昭其功行錄記所履謀於耆舊刊
石樹銘光示來世於顯貞節天授懿度誕茲明哲允
迪德譽如淵之清如王之素溷音混濁也世之不濁

溷之不汙用行思忠舍藏思固伯夷是師史鮪是慕
榮貧安賤不恡窮迕甘死善道遺名之故身沒譽存
休聲載路

卷二

蔡中郎集卷第八

漢 陳留蔡邕著

明新安汪士賢校

王子喬碑

惠云在梁國蒙縣

王孫子喬者。蓋上世之真人也。聞其僊舊矣。不知興於何代。博問道家。或言潁川。或言彥蒙。初建斯域。則具斯丘。傳承先人。曰王氏墓。紹胤音印不繼。荒而不祠。歷載彌年。莫之能紀。暨于永和元年。十有二月。當臘之夜。上有哭聲。其音甚哀。附居者往。聞而恠之。明則

華本上世作世上惠校上世

華本具作其祠作嗣

華本暨作泊

華本往作王

抄本焉下有時字惠校作
時天鴻雪抄本踪作蹤惠校
作徑惠校有作在惠校或
作咸惠校三大冠絳單衣

惠校照水經注作喜

惠校祀上增禮

登其墓察焉。洪雪下無人踪。見一大鳥跡。有祭祀之
處。左右或以為神。其後有人着絳冠大衣。杖竹策立
冢前。呼樵孺子尹禿。謂曰。我王子喬也。爾勿復取吾
先人墓前樹也。須臾忽然不見。時令太山萬熙。稽古
老之言。感精瑞之應。咨訪其驗。信而有徵。乃造靈廟。
以休厥神。於是好道之儔。自遠來集。或絃歌以詠。太
一。或談思以歷丹田。其疾病疴音瘵者。靜躬祈福。即
獲祚。若不虔恪。輒顛踣。故知至德之宅。兆真人之先
祖也。延熹八年秋八月。皇帝遣使者奉犧牲。以致祀。

章水經注作璋。惠校王
章在八廚中。范書云。字伯
儀。三君八俊。錄字伯義。語
云海內賢。智王伯義。然則
作儀者非。華本會作為
惠校與。惠校樹下增之
紀下增頌。華本者有所作
之所有。惠云水經注云。三
略同。華本詞曰。二字無伊王
以下另行低一格。華本事
作乘榮。下有漂長風三
字。華本鶴軒作鶴軒抄
本。鶴作鶴。抄本戴華作載
華。齡作玲。華本輝作推。權
作雕。昭作然。閱作關。絳作
終。

祇懼之敬。肅如也。相國東萊王章。字伯義。以為神聖
所興。必有銘表。昭示後世。是以賴鄉仰伯陽之踪。關
民慕尹喜之風。乃會長史邊乾。訪及士隸。遂樹玄石。
紀遺烈。俾志道者有所覽焉。詞曰。伊王君。德通靈。含
光耀。秉純貞。應大道。羨久榮。棄世俗。飛神形。翔雲霄。
浮太清。乘螭龍。載鶴輶。音瓶隱戴華筓。奮金齡。揮羽
旗。曳霓旌。權罔極。壽億齡。昭篤孝。念所生。歲終閔。發
丹情。存墓冢。舒哀聲。遺鳥跡。覺舊城。被絳衣。垂紫纓。
呼孺子。告姓名。由此悟感怖。驚修祠。于反几筵。饋饌

華本仰作
魏

華本陳字脫聲明禮三字無

進甘香陳時傾顧聲明禮匡流祉熙帝庭祐邦國相黔民光景福耀無垠

玄文先生李子材銘

玄文先生名休字子材南陽宛人也其祖李伯陽周柱下史覲衰世而遁焉其後雄俊豪傑往往崛起自戰國及漢名臣繼踵支胄散逸其遷于宛尚矣王莽竊位漢祚中移考翼佐世祖匡復郊廟錫封茅土卿相牧守于時相逐休少以好學游心典謨既綜七經又精群緯鈞深極奧窮覽妙旨居則玩其辭動則察

華本支作枝逸作遷遷字無

華本妙作聖

華本無其字抄本有

華本靡不二字無

華本協作叶表作中

華本優禮作禮優固請作請固

華本執字無

華本娶字空配並作妣

其變雲物不顯必考其占故能獨見前識以先神意若古今常難疑義錯繆前人所希論後學所不覽休盡剖判剝散幽暗靡不昭爛猶發憤於目所不覩體所不閑遂登東岳觀百王遺風習容闕里以協禮衷退而講誨童冠仰焉傳傳音樽聚也如也郡署五官掾功曹司空胡公顯以儒譽特進大鴻臚仍優禮固請秉讓執虛辭此三命不為利回不為義疚臨寵審已不動其守可謂純潔皓素綽有餘裕者已其於鄉黨細行敦睦九族篤信交友不可得而詳也初娶配出後

顧云此即女子貞不字也
字孕字

華本徒下有是味二字

顧云定當作空華本故作
固顧云固當作因親也
華本朋作故以下有為字
既字無莫作英

華本思作恩抄本同此
華本吁茲以下另行低格
吁作手抄本作于
華本學作繇

華本戚作威淑作任
華本讓作尚按作安

顧云園疑當作園漢人有
此姓園姓未見於別書

華本形作刑藝作冥列
字空

華本加作如

配未字年既五十苗胤不嗣以永壽二年夏五月乙
未卒凡其親昭朋徒相與大會而葬之鼎俎之禮節
文曲備時令戴君臨喪命謚郡遣丞掾音院公府冠
掾吏也
蓋咸屈既定而後罷焉於是故好朋舊僉以仲尼既
沒文不在茲韞櫝美玉喪莫賈之求而無繼慢爾求
思乃刊斯石懿德是不吁茲先生秉德恭勤天啓哲
心其學孔純經緯是綜雅麗是分行已守道匪禮不
遵處約不戚聞寵不欣榮不能華威不能震天淑厥
命以讓以仁有惠云載惟邦之珍按典考謚謚以玄

文身沒名彰音處黑
色也配音處黑
色也作隣遺譽罔極不昭億年
嗚呼哀哉

處士園叔則銘

伊漢二十有一世處士有園音混廝也
鼠所居也典字叔則者

夫其生也天真淑性清理條暢精微周密包括道要

致思無形深總曆部織入藝文藻分葩列如春之榮

守根據窮不虛其聲偉德若茲惟世之英乃遂隱身

高藪稼穡孔勤童蒙來求彪之用文不義富貴譬諸

浮雲州郡禮招休命交集徒加名位而已莫之能起

華本世字無於作以民之
以下另行低一格
華本爾字在世下抄本
同此

也。博士徵舉至孝。耻已處而復出。若有初而無終。潔
耿介於丘園。慕七人之遺風。年七十有五。建寧二年
六月卒。臨沒顧命曰。知我者其蔡邕。乃為銘。載書休
美。俾來世昆裔。永有諷誦於先生之德。其辭曰。民之
齊敏。卓時挺生。思心精敏。綜物通靈。術有玄妙。于時
游情。聞道睹異。惕然若驚。守死善操。與世無營。渾其
若濁。徐然後清。綽其若煥。終其益貞。有恒實難。獨秉
其經。嗟爾來世。是瞻是聽。

陳留索昏庫上里社銘

曰社祀之建尚矣。昔在聖帝。有五行之官。而共工子
勾龍為后土。及其沒也。遂為社祀。故曰社者土地之
主也。周禮建為社位。左宗廟。右社稷。戎醜攸行。於是
受脤。音任女胎也土膏恒動。於是祈農。又頒之于兆民。春
秋之中。命之供祠。故自有國。至于黎庶。莫不祀焉。惟
斯庫里古陽武之戶牖鄉。春秋時有子華。為秦相。漢
興。陳平由此社宰。遂佐高帝。克定天下。為右丞相。封
曲逆侯。永平之世。虞延為太尉。司空封公。至嘉平。延
弟曾孫放。字子卿。為尚書外戚。梁冀乘寵作亂。首策

誅之王室以績封召都亭侯太僕太常司空毗天子
而維四方克措其功徃烈有常於是司監爰暨邦人
僉以爲宰相繼踵咸出斯里秦一漢三而虞氏世焉
雖有積善餘慶修身之致亦斯社之所相也乃與樹
碑作頌以示後昆唯王建祀明事百神乃顧斯社于
我兆民明德惟馨其慶聿彰自羸及漢四輔代昌爰
我虞宗乃世重光元勳旣立錫茲土疆乃公乃侯帝
載用康神人協祚且巨且長凡我里人盡受嘉祥刊
銘金石永世不忘

京兆樊惠渠頌

洪範八政一曰食周禮九職一曰農有生之本於是
乎出貨殖財用於是乎在九土上沃爲大田多稔然
而地有傭音堦傭音卽薄川有墊下漑灌之便行趨不

至明哲君子創業農事因高卑之宜驅自行之勢以

盡水利而富國饒人自古有焉若夫西門起鄴鄭國

行秦李冰在蜀信臣治穰皆此道也陽陵縣東其地

衍隩音與浦隩也水涯也土氣辛螯因食虫行毒也嘉穀不植草萊焦

枯而涇水長流漑灌維首編戶齊氓庸力不供牧人

之吏謀不假給蓋常興役猶不克成光和五年京兆尹樊君諱陵字德雲勤恤人隱悉心政事苟有可以惠斯人者無聞而不行焉遂諮之郡吏申於政府僉以爲因其所利之事者不可已者也乃命方略大吏麴音曲麴音曲也遂令伍瓊揣度計慮揆程經用以事上聞付在三府司農遂取財於豪富借力於黎元樹柱累石委薪積土基跂工堅體勢強壯折湍流欵曠陂會之於新渠䟽水門通窳瀆灑之於畝畝清流浸潤泥潦浮游昔日鹵田化爲甘壤粳黍稼穡之所入不可

勝筭農民熙怡悅豫相與談疆畔斐然成章謂之

樊惠渠云其歌曰我有長流莫或遏之我有溝澮莫或達之田疇斥鹵音會莫修非夔釐饑饉困悴莫恤莫思乃有樊君作人父母立我誡畝黃潦膏疑多稼茂止惠乃無疆如何勿喜我壤旣營我疆斯成泯泯我人旣富且盈爲酒爲釀蒸彼祖靈貽福惠君壽考且寧

京兆尹樊德雲銘

於顯哲尹誕德孔彰膺帝休命謂篤不忘爰納忠式規悟聖皇欽崇園邑大孝允光九命車服昭示采章

軒軺音搖大夫車也四牡承祀蒸嘗多士時貢徭役永息道
路孔夷民清險棘同體諸舊兆氓蒙福惠垂無疆守
以罔極

焦君贊

猗歟焦君常比玄墨衙門之下栖遲偃息泌之洋洋
樂以忘食鶴鳴九臯音亮帝側迺徵迺用將受衮職
昊天不弔賢人遘慝不獲一志并此四國如何穹蒼
不照斯域惜哉朝廷喪茲舊德恨伊學士將何法則

漢文武都尉胡夫人黃氏神誥

華本胡下有府君二字

願云本傳注引襄陽耆舊
記廣父名寵妻生廣早卒
寵更娶江陵黃氏生康字
仲始與此文所述大異

都尉君願云名貢一名寵

華本康作廣願云廣
徐本康蓋是康字仲
始願云韜當端作
華本慈作因願云因母
見喪服傳仁作人教
作致

夫人江陵黃氏之季女字曰列羸其先出自伯翳別
封于黃以國氏焉高祖父汝南太守曾祖父延城大
尹祖父番禺令父以主簿嘗證太守事奉明君以立
臣節漢南之士以為美談初都尉君娶于故豫州刺
史即黃君之姊生太傅安樂侯廣及卷令康而卒繼
室以夫人生童紀未齒而夭夫人懷聖善之姿韜慈
母之仁撫育二孤導以義方思齊先姑神罔時恫故
能迄用有成誕膺繁祉廣歷五卿七公再封之祿康
亦由孝廉宰牧二城九鼎之義夫人是享爰暨稚孫

字華本實

華本于黃作
子廣鈔本
子作于
華本轉作
命

華本任作士宮作官

華本任作任鈔本之作

顧云朝下當有脫字疑是春下篇云朝春路寢其證也又九卷有朝春正於王室司徒素笑人馬氏碑銘亦可證華本寵作龍

華本其下有玄字圖長慮作圓之二字華本傳作傳

華本全作愈

華本下作不羸作羸顧云不當作乃華本札作札

華本吾字無悉作襲

更仕三宮或典百里或作虎臣銀艾貂蟬近侍顯尊受茲介福于我夫人自郡尉仕于京師及廣兄弟式叙漢朝夫人居京師六十有餘載其乘輅執轡朝皇后採柔桑于蚕宮手三盆于繭館者蓋三十年上有帝室寵光之休下有堂宇斤斤之祚心耽其榮體安其遠圖長慮慮用遺舊居欲留此焉康寧之時亟以為言太夫人年九十一建寧二年薨于太傅府是月辛酉公之季子陳留太守碩卒于洛陽左池里舍公銜哀悼祇慎其屬遵奉遺意不敢失墜乃俾元孫顯

浴度群儒以考其衷全曰昔帝舜沒於蒼梧殞於虞郊二妃薨於江湘不即兆于九疑延陵季子寔惟吳人長子道終卜葬羸博夫遭時而制不遠遷徙魂氣所之不繫丘壠帝舜以之神罔時怨季札以之仲尼嘉焉鑒帝籍之高論綜精靈之幽情稽先人之遐迹順母氏之所寧茲事體通而義同允不可替於是公乃為辭昭告先考然後卜定宅兆龜筮悉從遂營窀窆窀音衡厚也窆音久夜也窀窆尤長夜也之事舉封樹之禮十月既望粵翌日巳酉葬我夫人黃氏及陳留太守碩于此高

鈔本陽作陰惠云于肅
當是丁肅胡伯始與結
婚姻者也伯始嘗為濟
陰太守故稱舊民
華本碑石二字無
願云語當作結
華本於穆以下另行低
格言臆誤羸

華本祿作祚履作祖
老作羗
華本變作慈厝作度願
云度字是度即宅也

華本字作實

華本塞作寒鈔不同此

華本下年字無

華本幾上有其字

華本徽作上願云下徽徐本
徽蓋是鈔本姓作妊
華本玩作充

華本者作有伯作百于作
千

華本寧作官鈔本戲作
叔

原雒陽東界關亭之阿。天子使中常侍謁者李納弔
且送葬。持賻錢二十萬。布二百疋。再以中牢祠群后。
畢會榮哀。孔備于時。濟陽故吏舊民。中常侍勾陽于
肅等二十三人。思應慕化。推本議銘。著斯碑石。俾諸
昆裔瞻仰。以知禮之用。是為神語。乃申頌曰。於穆夫
人家邦之緩。昔在羸代。黃國氏建。至于近祖。亦降于
漢。天祚明德。福祿流衍。既作母儀。履信思順。登壽考
耄。用永蕃變。子孫以仁。追稽先典。厝茲洛濱。齊跡
靈配。名古人。体矣耀光。千億斯年。

太傅安樂侯胡公夫人靈表

夫人編縣舊族。章氏之長女也。字曰顯章。令儀小心。
秉操塞淵。仁孝婉順。率禮無遺。體季蘭之姿。蹈思齊
之跡。永初二年。年十有五。爰初來嫁。誕成家道。仰奉
慈姑。竭歡致敬。俯誨膝下。化導周悉。至德修於幾微。
徽音暢於神明。故能參姪妣之功。兼生人之榮。朝春
路寢。贊桑蚕宮。光寵有祭。祭服有琬。音充琬耳也前後奉
斯禮者三十餘載。夫人生五男。長曰整。伯齊。次曰于
億。叔韓。次曰寧。穉威。次曰碩。季戲。伯仲各未加冠。遭

厲氣同時天折叔上郡孝廉季更歷州寧舉茂才葉
令京令爲議郎季以高第爲侍御史諫議大夫侍中
虎賁中郎將陳留太守皆早卽世夫人哀悼劬悴由
是被疾遭太夫人憂篤年七十七建寧三年薨夫人
之存也契闊中饋婉戀供養依生奉仁紹述雅意其
閨月附于太夫人窀穸于茲地魂而有靈欽明定省
神心欣焉其實寧之元女金盈追慕永思惜音忝悃音忝
罔極遂及斯表鐫著堅珉音民石似王也頌曰悲母氏之不
永懷殷恤以摧傷惟子道之無窮惜聞誨之未央庶

黃耆以期願胡委我以夙喪恒思心以激切亦割肝
以絕腸昔先聖之遺辭言仁者其壽長嗟母氏之憂
患體愷悌以慈良失延年之報祐獨何棄於穹蒼日
月忽以將暮抱長結以含愁尋修念於在昔原疾病
之所由遭元子之弱天心傷悴以自憂暨叔季之殞
終哀情結以彌綢皇姑沒而中感遂大漸兮速流疾
燄燄而日邁氣微微以長浮銷精魂以遐翔曾不可
乎援留爾乃順旨於冥冥繼存意於不違爰附靈於
皇姑尚魂魄之有依潛幽室之黯漠惜昭明之景輝

一往超以末及傾徂邈其彌遲顧新廟以累欵伏几筵而增嗟既逝之益遠眇悠悠而莫追

司徒袁公夫人馬氏碑銘

維光和七年司徒袁公夫人馬氏薨其十一月葬哀子懿達仁達銜恤哀痛靡所寫懷乃撰錄母氏之德履示公之門人覩文感義采石于南山謔之群儒假貞石以書焉夫人右扶風平陵人也曾祖中水侯祖將作大匠考南郡太守中水侯弟伏波將軍女在淑媛作合孝明誕生孝章婚姻帝室世爲名族夫人生

應靈和德精性妙角犀豐盈實有偉表溫慈惠愛慎而寡言幼從師氏四禮之教早達窈窕德象之儀及笄求匹明哲供治婦業孝敬婉變音恋女畢力中饋

後生仰則以爲謀憲自公歷據王官至宰相夫人營克家道扶翼政事聰明達乎中外隱括及乎無方不出其機化導宣暢童子無驕逸之尤婦妾無捨力之愆故能窮生人之光寵獲福祿之豐報朝春政於王室躬桑繭於蠶宮春秋六十有三寢疾不永懿等追想定省尋思髮髯哀窮念極不知所裁乃申辭曰於

穆母氏其德孔休思齊先始百行聿修宣慈惠和恩
澤並周義方之訓如川之流俾我小子蒙昧以滌音
水流不享遐年以求春秋往而不返潛淪大幽嗚呼
哀哉几筵虛設幃帳空陳品物猶在不見其人魂氣
飄飄焉所安神兄弟何依姊妹何親號咷切怛曾不
我聞吁嗟上天何辜而然傷逝不續往者不旋

濟北相崔君夫人誄

維延熹四年故濟北相崔夫人卒嗚呼哀哉世喪母
儀宗殞憲師哀哀孝子靡所瞻依凡百赴弔至止增

悲投涕歔歔共叙赫姿乃為誄曰清和有鑠時惟哲
母令儀令色爰以資始塞淵其心淑慎其止于母斯
勤在子斯敏仰覽篇籍俯釐絲枲多才多藝于何不
有休譽邈焉允女之英乃及崔君惟德是行其德伊
何實粹實明虔恭事幾稔潤中饋敦此婉順疾彼攸
遂思齊徽音長興夜寢穆穆其猷莫之與二天祚明
德底之方穀於赫崔君膺茲祉祿夫人有胤翼此清
淑仁風溫潤義惠優渥推恩中外施浹族食不兼
膳服不織穀以儉為榮以奢為辱堂堂其胤惟世之

良于其令母受茲義方訓以柔和董以嚴剛怒不傷
愛喜不亂莊納之軌度終然允臧是用登濟享其寵
光雖則崇盛猶匪寧息同其婦子茂師其職服貴無
荒尊不舍力密勿不忘惟德之極昔在共姜陪臣之
母勞謙紡績仲尼是紀矧茲夫人帝室命婦猶日孜
孜復禮克己人亦有言仁者壽長宜登永年黃耇無
疆昊天不弔降此殘殃寢疾彌留精爽悴傷慘怛孝
子惴惴其惶靡神不舉無藥不將嗚呼哀哉於是孝
子長叫氣絕復蘇號呼告哀不知其辜昊天上帝忍

弔遺孤尋想遊靈焉識所徂嗚呼哀哉既殞神樞薄
言于歸家宰喪儀循禮無遺切切喪主瘠羸哀哀情
兮長慕涕兮無晞行旅揮涕千里于咨乃謀卜筮言
考其良建彼兆域于時翳藏冥冥窈窕無時有陽燈
燭旣滅馬道納光形影不見定省何望嗟其哀矣不
可弭忘日月代序古有如喪由斯夫人榮烈有章配
彼哲彥旣隆且昌顧景赫奕饋供孔將惟以慰懷庶
無求傷嗚呼哀哉

議郎胡公夫人哀讚

議郎夫人趙氏字曰永姜允有令德秉心塞淵舒詳
閒雅儀節孔備女師四典窈窕德象罔不習熟以供
婦道議郎早世檢誨幼孤義方以導其性中禁以閑
其情孤顥儉節用免咎誨少辟侍中襲先公之爵以
議郎出為濟陰太守是時夫人寢疾未薨而國家方
有滎陽寇賊震驚帝師簡選州辟授任進衛不得辭
王命親醫藥夫人乃自矜精稟氣力俛起若愈以勸
遣顥到官月餘所疾暴盛春秋五十八中平四年薨
于京師顥有剖符之寄偪於國典疾篤不得顧親增

感氣絕不能自宥慎終之事闕焉未廢雖不毀以墮
沒亦困悴而傷懷知我如此不如勿生號咷告哀以
乞骸骨踰年然後獲聽追惟考君存時之命迎棺舊
土同穴此城孤心摧割靡所底念仰瞻二親或有神
誥靈表之文敢曰亮闇叙我憂痛作哀讚書之于碑
愍予小子夙懼孔艱嚴考殞沒我在齠年母氏鞠育
載矜載憐殷斯勤斯慈愛備存匪惟驕之範我軌度
教誨嚴肅昭示好惡俾我克類畏威忌怒用免咎悔
踐繼先祖卽爵其土二將是臨與帝剖符守于濟陰

夫人寢疾榮此寵休疾用歡痊翊日斯瘳將征將邁
從者因丘景命徂逝不愍少留疾大漸以危亟兮精
微微而浸衰逼王職於憲典兮子孫忽以替違目不
臨此氣絕兮手不親夫含飯陳衣衾而不省兮合綆
棺而不見昔予考之卽世兮安宅兆于舊邦依存意
以奉亡兮遷靈柩而同來考妣痛以慘兮離乖神柩
集而移兮增哀黃壚密而無間兮出入閭其無門昇
音于兩人 柩在茲兮不知魂景之所存悼孤衷之不
共舉也 遂兮思情僚以傷肝幽情淪於后坤兮精衣達乎臬

乾

郡掾史張玄祠堂碑銘

掾諱玄字伯雅河南偃師人也其先張仲者實以孝
友爲名左右周室大漢初興張蒼爲丞相封北平侯
其後自河內遷于茲土世爲顯姓掾天姿恭恪宣慈
惠和允恭博敏惻隱仁恕正身履道以協闈庭損用
節財以贍疏族動中規矩言合典式不知名彰不飾
行著可謂仁粹淑貞自然之素者已論者嘉之州郡
禮招署致掾史沉靜寡欲不求榮祿是以豐於天爵

薄於人位某月日遭疾而卒掾孫翻以貞固之質受
過庭之訓獲執戟出宰相邑遷太守得大夫之祿奉
烝嘗之祀尋原祚之所由而至於此先考積善之餘
慶陰德之陽報乃於是立祠堂假碑勒銘式明令德
以示乎後辭曰於惟我考允迺懿德治信斯順其儀
不忒仁惠周洽行惟模則篤垂餘慶貽此燕翼邈矣
遺孫用懷多福刊名金石流于罔極

袁滿來碑銘

茂德休行曰袁滿來太尉公之孫司徒公之子逸才

淑姿實大所授聰遠通敏越齒在闕明習易學從誨
如流百家衆氏遇自能識事不再舉問一及三具始
知終情性周備夙有竒節孝智所生順而不驕篤友
兄弟和而無忿氣決泉達無所凝滯雖冠帶之中士
校材考行無以加焉允公族之殊異國家之輔佐衆
律其器士嘉其良雖則童稚令聞芬芳降生不永年
十有五四月壬寅遭疾而卒旣苗而不穗凋殞音允
華英嗚呼悲夫乃假碑旌于墓表嗟其傷矣惟以告
哀

童幼胡根碑銘

故陳留太守胡君子曰根字仲原生有家表幼而克
才角犀豐盈光潤玉顏聰明敏惠好問早識言語所
及智思所生雖成人之德無以加焉稟命不長夙罹
凶災年七歲建寧二年遭疾夭慈母悼痛昆姊孔
懷感禳祓之親愛憐國城之乖離乃權宜就封二祖
墓側親屬李陶等相與追慕先君悲悼遺嗣樹碑刊
辭以慰哀思辭曰於惟神原應氣淑靈實有令儀而
氣如瑩明之之性與體俱生聞言斯識覩物知名傳

者太勤受誨則成柔和順美與人靡爭忿不怨對喜
不驕盈當受福永爲光爲榮如何昊天降此短齡惜
繁華之方曄兮望嚴霜而凋零嗟童孺之夭逝兮傷
慈母之肝情從皇祖乎靈兆兮庶神魄之斯寧哀慘
戚以流涕兮念污軫之不呈顧永懷於不朽兮乃託
辭於斯銘

